


Handwritten marks and scribbles in the top left corner.

გამოცემა ძმ. თავარ
№ 2
58
ე. ლუნკევიჩი

მუშანი სამეფო



Handwritten mark resembling the number 9.

თარგმანი
1938
ნ. კალანდარიძის

ბბ.

საქართველო

თფილენი

სტამბა ძმ. თავართქილაძეებისა

1902

Дозволено Цензурою 6 февраля 1902 г. Г. Тифлисъ.

ბაზატხულდა და ბუნებამაც გამოიღვიძა. ზამთრისაგან მიძინებულ გაშეშებულ ხეებს, გაზატხულის მზის სხივმა სისხლი კვლავ აუღღლა, და ტიტველი ტოტები ნორჩი, მწვანე სამოსლით შეუმკო. მინდორ-ველი ათას გვარი ყვავილებით მოიქარვა და ზედ მწერ-პეპლების ურიცხვი ჯარი გამოიშალა. ბაღებში ხეხილები თეთრი ყვავილის სამკაულში გამოეხვივნენ და პატრონს კარგ მოსაფალს უმზადებენ. ნახნავებმაც მწვანე ჯეჯილის კაბით გულ-მკერდი დაიმშვენა და მთის ნიავს ეთამაშება. ზამთრის ერთგვარი, სასტიკი და მომბაბეზრებელი სურათი შესცვალა კეკლუცმა და მრავალფეროვანმა გაზატხულმა. ყველგან სიცოცხლე სდულს, ყველგან ბუნება მხიარულობს!. როგორც პატარა ბალახი, ისე ასწლოვანი მუხაც ბუნების გამოღვიძებას დღესასწაულობს, ახალ ცხოვრებას შესტრფის!!.. მაგრამ ჩვენ ვიცით რა ცხოვრებაა ეს? ან ის ვიცით საიდან და როგორ შოულობს მცენარე ცხოველ მყოფელ ძალას? ჩვენ ვიცით როგორ საზრდობს მცენარე? აი კითხვები რომლის გაგებაც ყველასათვის სასურველ-საყურადღებოა.

II.

ცხოველთა შორის ერთი ბეწვა ბუდრუგუნა ქიან-ქველასთან ერთად შეხედვებით ისეთ უზარ-მაზარ ქმნილე-

ბას, როგორც მაგალითად სპილო ან ვეშაპია. რაც
ქიანქველას მხარ-ბეჭისათვის ბუნებას დაუკლია, ის სპი-
ლოსაც კის შეუმატნია. თითქმის ამგვარივე სურათს ვხედავთ
„მწვანე სამეფოშიაც“. ე. ი. მცენარეთა შორის. აქაც
შეხედავთ, რომ პაწაწკინტელა, თითქმის შეუმჩნეველ ბალა-
ხთან ერთად ამართულა დიდებული ას წლოვანი მუხა, რო-
მელსაც მსხვილი, და ღონიერი ტოტები შორს გადაუშ-
ლია. და თავის წვრილ მოძმეებს ამაყათ დასცქერის. ვერცხ-
ლის ფერი ვერხვები, თვალ-აუწვდენელი სიმაღლის ნაძვები,
მშვენიერი ბუხები, რომლებიც გამოთლილ სვეტებივით ცის
სიმაღლეში იკარგებიან და ლამაზი ფოთლების ქუჩუჩით თა-
ვს იმშვენებენ; ყველ ეს მცენარეები არამც თუ მწვანე სამე-
ფოს მდევეები არიან, არამედ სილამაზით ამაყოების ნებაც აქვთ.

ვისაც უნახავს ის კვებერთელა ქადარი, რომე-
ლიც თავისი განიერი ტოტებით ქ. განჯაში მეჩეთის ეზოს
აგრილებს, იპან იცის თუ რა გასაოცარ ტანს იკეთებს ხში-
რად ეს მცენარე. ამ ხის ფულუროში ერთი ვიღაც ღარიბი
ხარაზი დაბინავებულა და ძლიერ მადლიერიც არის, რომ
ბუნებამ თითონ იზრუნა მასზე და მუქთი ბინა დაუმზადა.
მეორე ხის ფულუროში (აქ ლაპარაკი წაბლზეა) პატარა
სალოცავი გაუკეთებიათ. ზოგიერთა მცენარის მწვანე
ტოტებს ქვეშ თაშამად შეუძლია შეიყუდროს წვიმის
დროს მთელმა ქარავანმა, ეს მცენარე ხარობს აფრიკაში:
იქ სადაც შავ-კანიანი ხალხი (ნეგროები) სცხოვრობს და
ჰქვია **ზაოზაბა**. ძნელი წარმოსადგენია, თუ რამოტელა
სისხო აქვს ხშირად ამ მცენარის ტანს! ერთი ბებერი
ზაოზაბის ფულუროში ნეგროის მთელი სახლობა დაბინა-
ვებულიყო თურმე. ეს კიდევ არაფერა!.. ისეთი ზოვის

ფულუროც ხშირი ყოფილა, რომელშიაც 60-80 კაცს შეუძლია შეძრომა და ქექა-ქუხილის ან წვიმის დროს თავის შეფარება.

ამერიკაშიაც არა ერთი და ორი მცენარე ჰხარობს, რომლების უზარმაზარ ტანს მნახველი გაოცებაში მოჰყავს. აი თუნდ ველინგტონია! ბშირად ეს მცენარე 60-80 საყენის სიმაღლეზე იზრდება ხოლმე და ოთხმოცი საყენი ხუმრობა საქმეა?! ერთ ველინგტონიის გადანაქერ ჯიკვზედ თუთხმეტი წყვილი მოცეკვავე ქალ-ვაჟი თავისუფლად დასრიალობდა თურმე.



სურ. 1. ცეკვა ხის გადანაქერზე.

ყველა ეს მცენარეები როგორც ხედავთ მწვანე სამეფოს ნამდვილი მღვებები არიან, მაგრამ თუ ისინი თავიანთი დევგმირული ახოვნობით გვაკვირვებენ, ადვილი საქმეა იმათში ქონდრის კაცების გამონახვაც. საჭიროა, მხოლოდ კარგათ დავსძებნოთ. აქ ლაპარაკი ნამდვილ კაცებზედ

არ გეგონოთ, მე პატარა მცენარეებზედ მოგასენებთ. და მართლაც მწვანე სამეფოს ჰყავს ისეთი პატარ-პატარა, ისეთი უჩინარი წვევრები, რომელნიც თვალით არც-კი მოსჩანან და თუ განმადიდებელი იარაღები არ დავიხმარეთ, ჩვენთვის ისინი თითქმის არც-კი არსებობენო. ამგვარ განმადიდებელ იარაღს „მიკროსკოპი“ ჰქვია და იმაში ჩადებულნი პატარა ნამცეცი უზარ-მაზარი მოგვეჩვენება. ეს პატარა, უჩინარი მცენარეები ცხოველებს ზღვებში, ტბებში და უფრო ხშირად-კი ქაობებში აქა-იქ ხმელეთზედაც შეხვდებით მათ წარმომადგენელს: მაგალითად მიწაში, ნოტიო სარდაფში ან და ნოტიო ქვის საპლას კედელზედ. ზოგი მათგანი თქვენ კიდევაც გინახავთ. მაგალითად „ობი“. აქვე საჭიროა დავუმატოთ რომ თავისი ფერის მიხედვით, ამ გვარი უჩინარი მცენარეების უმეტესობა „მწვანე სამეფოს“ არ მიეწერება რადგანაც ისინი მწვანე სრულიადაც არ არიან. საკვირველი აქ მაინც არაფერია. ვინ არ იცის თუ რა ფერისა არიან სხვა და სხვა სოკოები? მაგრამ ისინი მაინც მცენარეთა სამეფოს ეკუთვნიან და არაფერ დაიწყებს მტკიცებას: „სოკო რაკი მწვანე არ არის, არც მცენარე არისო“ დაიხსომეთ რომ ამ წიგნაკში ლაპარაკი მართა ხმელეთის მცენარეებზედ არის. ახლა-კი ისევ იმ უჩინარ მცენარეებს დავუბრუნდეთ. იმათში მწვანე-მწვანეებიც ხშირად ურევია, ისინი ისე პატარანი არიან, რომ ას ძირს ერთ წვეთ წყალში თამამად შეუძლია ცურაობა. მაგრამ ნუ დაივიწყებთ, რომ ისინიც სცხოვრობენ, იკვებებიან, იზრდებიან, მრავლდებიან და იხოცებიან, სწორედ ისე როგორც მწვანე სამეფოს დევ-გმირები. ჩვენ წინ გვიძევს მეტად

საყურადღებო ნახატი. ის წარმოადგენს სურათს სხვა და სხვა გვარი ობისას, განმადიდებელი შუშის ქვეშ. ხომ არავის თქვენგანს აზრად არ მოუვიდოდა, როდესაც უბ-



სურ. 2. ობი გამადიდებელი შუშით.

რალაო ობს უყურებდა, რომ იმის წინ ასეთი მინდორ-ველი იყო გაქიმული, ათას გვარი უჩინარი ყვავილ-ბუჩქებით დაფარული?

III

ამ უჩინარი მცენარეების ცხოვრება მეტად ხან მოკლეა. იხრცებიან ისინი ათასობით, მაგრამ იმავ დროს ათასობითვე ჩნდებიან და საკვირველი ის არის, რომ ყოველივე ეს რამოდენიმე წუთის განმავლობაში ხდება. ხამაგიეროდ მწვანე სამეფოს დევ-გმირები ძლიერ დიდ ხანს ცოცხლობენ და უფრო სუსტად პრავლდებიან. ასი და ათასი წლის გაძლება ზოგიერთი ნცინარისათვის

არაფერი გასაჭირია. ამ მხრივ უფრო საყურადღებოა არიან: ბაობაბები, დრაკონიკები და ველინგტონები. ორი თუ სამი ათასი წლის მოქმა ველინგტონისთვის ჩვეულებრივი საქმეა. ერთი დრაკონიკი-კი ექვსი ათასი წლის მოხუცი მომკვდარიყო. აი ღრმა მოხუცებაც ამას ჰქვია! „დავბერდი და ვჩაჩანაკდიო“ იმ დრაკონიკს უნდა ეთქვა-აი!

საზოგადოთ ცხოვრების ვადა სხვა და სხვა მცენარისათვის ბუნებას სხვა და სხვა დაუნიშნავს. ზოგი მათგანი ერთი წლის ვადით მოველინება ხოლმე წუთი სოფელს და შემდეგ კვდება. ამგვარ მცენარეებს ეძახიან „ერთ-წლოვანებს“. ზოგს კიდევ ორი წლის სიცოცხლე უწერია და სახელადაც „ორ-წლოვანები“ დაურქმევიათ. არიან ისეთებიც რომელნიც მრავალ წელს სცხოვრობენ, და „მრავალ-წლოვანებს“ ეძახიან. როგორ მიმდინარეობს მცენარის ცხოვრება?

ავიღოთ ჯერ მაგალითისათვის „ერთ-წლოვანი“ მცენარე. ე. ი. ისეთი. რომელიც ერთ წელიწადს ცხოვრობს—თუნდა ლობიო.

მიწაში ჩაფლული ლობიოს თესლი ღვივდება და გაზაფხულზედ გამოიღებს ხოლმე ორ ნაზარდს; ერთი მათგანი მიწაში ჩადის და ჩვენ ძირს ეუძახით, ხოლო მეორე მიწიდან ზევით ამოძვრება, მალე მიდის და ფოთლებით იმოსება. ზაფხულის განმავლობაში ეს ახალგაზრდა მცენარე მატულობს და ყვავილს იღებს. ჩქარა ყვავილი ჰქნება და ძირს ცვივა, ხოლო იმის ადგილს პატარა მოგრძო პარკი იჭერს, რომელშიაც რამოდენმე თესლია მომწყვდელი. შემდეგ პარკი და თესლები მწიფდება და ძირს ცვივა, ხოლო თითონ მცენარე ზამთრის

დამდეგშივე კვდება. ახალი ლობიოს მცენარე ჩნდება ისევ ამ გვარად თესლიდან და ასე ყოველ წელს. სულ სხვა ნაირად არის მორთული „მრავალ-წლოვანი“ მცენარეების ცხოვრება. „მრავალ-წლოვანებს“ ეკუთნის მაგალითად: ვაშლი, მსხალი, ბალი ქლიაფი და სხ.

გაზაფხულზედ ეს მცენარეები სქელი ფოთლების და ყვავილების სამოსელში ეხვევიან. რამოდენიმე ხნის შემდეგ ყვავილი ძირს ცვივა და იმის ადგილს პატარა ნაყოფი იჭერს. ზაფხულის დამლევს ან შემოდგომის დამდეგს, ნაყოფი და შიგ მომწყვდეული თესლები უკვე მწიფეა და ძირს ცვივა. ამ თესლებიდან იზრდება ხშირად ახალი მცენარე (ნერგი). აი ზამთარიც დგება, მაგრამ დედა მცენარე როდი კვდება. ის მხოლოდ თავის მწვანე სამოსელს იხდის და ტიტვლდება; ის ღროებით თავს იმკვდარუნებს, რომ ახალ ცხოვრებას ახალის ძალით შეუდგეს, და როგორც-კი გაზაფხულის მზის სხივები პატარას შეათბობს, ის ისევ ახალი, ნორჩი, მწვანე ტანისამოსში იკამზმება ხოლმე. აქაც კიდევ იგივე მეორდება, რაც წინა წელში მოხდა და ასე მრავალ წელს. მაშინ-კი, როდესაც მრავალ-წლოვან მცენარეს ტანი დაუღპება, და ძირები გაუხმება, ისიც ხელს აიღებს ნაყოფის მოცემასზედ, მწვანე სამოსელს ჰყრის და სამუდამოდ ეთხოვება წუთი სოფელს. მაგრამ უნდა გახსოვდეთ, რომ ზოგიერთ „მრავალ-წლოვან“ მცენარეს ასეთი უბედურება ძლიერ გვიან ეწევა ხოლმე, როგორც მაგალითად ჩვენ ნაცნობ დრაკონიკს, რომელსაც სულთა მხუთავი ექვსი ათასი წლის მოხუცს ეწვია.

ყოველ გვარ მცენარეს მიწაში გამბული აქვს მსხვილი და წვრილი ძირების ქსელი, რომლის საშვალგებითაც სწოვს იქიდან თავისთვის საჭირო მასალას. ე. ი. იმ ნივთიერებას, ურომლისოდაც ცხოვრება არ შეუძლიან. რა სჭირია მცენარეს სახელდობრ? პასუხი ადვილია: ყველგან მიწის ზედა პირში ანუ ზენიადაგში, რომელზედაც კი ხარობს ბალახი, ბუჩქი ანუ ხე, შეგზვდება შემდეგი ნივთიერებანი: თიხა, ქვიშა, კირი, ნოშო, საქმელი მარილი, გვარჯილა და ჟანგი. ნოშო ჰქვიან დამბალ ფოთლებს და მცენარის სხვა ნაწილებს. შავს, ტყის მიწაში ნოშო ბევრი ურევია ხოლმე.

ავილოთ მოხსნული მინდვრიდან რამოდენიმე მიწა, ჩავყაროთ თიხის ქურქელში და დავადგათ ნელ ცეცხლზედ. ნოშო, როგორც ორგანიული ნივთიერება დაიწვის და იმისგან მარტო ნაცარი დარჩება, ხოლო; თიხა, ქვიშა. კირი, მარილი, გვარჯილა, ნაცარ-ტუტი და ჟანგი უცვლელად დარჩებიან. თუ ამგვარ გამომწვარ მიწაში ლობიოს ან ცერცვის თესლს ჩავთესთ, ვნახავთ, რომ ეს თესლი თავის დროზედ გაღვივდება, ამოვა, აყვავდება და ნაყოფს მოგვცემს. აქედგან ცხადათ სჩანს, რომ ის რაც დაიწვა მცენარისათვის მაინც და მაინც საჭირო არ ყოფილა. ჩავყვეთ ქვევით. მოვაცილოთ ამ გამომწვარ მიწას კიდევ ორი ნაწალი: თიხა და ქვიშა, ხოლო დანარჩენში-კი ჩავთესოთ რაჟმე მცენარე თესლი. ჩვენ კვლავ

დავინახავთ, რომ თესლი გაღვივდება, ამოვა და ნაყოფ-საც მოგვცემს, თითქო აქ არაფერიაო. და მართლაც 'ზოგიერთა მცენარეთათვის თიხა და ქვიშა არაფერ საჭი-როებას არ შეადგენს თურმე, როგორც საკვებავი მასალა. იმათი დანიშნულება უმთავრესად ის ყოფილა, რომ ძი-რებს სიმაგრე მისცეს და ამ გვარად ხე დაიმაგროს.

თუ ჩვენ ამ სამ ნაწილს გარდა კიდევ მოვაკელით რამე გამომწვარ მიწას, მაგალითად: კირი, მარილი, გვარ-ჯილა, ნაცარ-ტუტი, ან ჟანგი, მაშინ თესლი ან სულ არ ამოვა, ან ამოვა და ჩქარა ისევ გახმება. მოვაშორეთ მაგალითისათვის თუნდა ჟანგი, იმ მიწას, რომელზედაც მშვენიერად იზრდება ცერცვი, მცენარე მაშინვე ყურებს ჩამოჰყრის, მწვანე ფოთლები ფერს იცვლიან, გათეთრ-დებიან და საბრალო ცერცვი სულაც გახმება, თუ დრო-ზედ არ ვუშველეთ. დახმარება-კი ამ გვარად შეიძლება: მორწყეთ იმისთანა წყლით, რომელშიაც გამდნარია ცო-ტაოდენი რკინის ჟანგი. ჟანგ ნარევი წყალი ამ შემთხვე-ვაში უკვდავების წამალია. როგორც-კი მცენარის ძირები ამ გამდნარ ჟანგს შეიწოვენ, სურათი მაშინვე გამოი-ცვლება. უფერული, გაფითრებული ფოთლები გამწვანდებ-იან, მიმქნარი ღერო უცებ წამოცოცხლდება, და მცენარე ჯანზე მოვა. ამ მაგალითმა ცხადათ დაგვანახვა, რომ ფოთლების მწვანე ფერი მთლად ჟანგზე ყოფი-ლა დამოკიდებული. არ არის მიწაში ჟანგი, არც ფო-თოლს ექნება სიმწვანე, ხოლო თუ ფოთოლმა ფერი დაჰკარგა, აღარც მცენარეს უწერია მაშინ დიდის ხნის სიცოცხლე.

ყველა ეს იმიტომ ვილაპარაკეთ, რომ შეგვეტყო, რას

ეძებს მიწაში მცენარის ძირი და რა ნივთიერებანი არიან საჭირო რომ მცენარემ იხვიროს. შევითყვეთ რომ აუცილებელ საჭიროებას შეადგენენ: ნაცარი, ცოტა კირი, მარილი, გვარჯილა, ნაცარტუტი და ჟანგი. ნოშო, თიხა და ქვიშა აუცილებლათ საჭირო არა ყოფილა.

აქვე უნდა დავსძინოთ, რომ ზემოდ ჩამოთვლილი ნივთიერების გარდა მცენარის სიცოცხლისთვის აუცილებელია ოთხი რამ: წყალი, ჰაერი, სითბო და სინათლე, რომლებზედაც ჩვენ ქვემოთ მოვილაპარაკებთ. ახლა-კი გავიგოთ, თუ როგორ არის მოწყობილი მცენარის ძირი, როგორ მუშაობს ის თავის ბნელ ქვეყანაში, როგორ და რა ხერხით სწოვს მიწიდან თავის და მთელი მცენარის საზრდოს. ამის შეტყობა მართლაც რომ საყურადღებოა.


V.

ყველა მცენარეს ერთგვარი ძირი როდი აქვს. ზოგიერთებს, როგორც მაგალითად: ქარხალს, სტაფილოს, ბოლოკს და სხვ. ძირი კარგა მომსხო აქვთ. ისინი მიწაში პირდაპირ მიდიან და თანაც წვრილდებიან. ბოლო ანუ კუდი იმათი, წვრილი ფუსუსოებით არის შემოსილი. პურის და ქერის ძირები-კი თაობაშივე ცალ-ცალკევდებიან და წვრილი ძაფებივით აქეთ-იქეთ მიძვრებიან. ზოგიერთი ამ ბეწვებთაგანი ისე წვრილია, რომ იმისი დანახვა მხოლოდ განმადიდებელი შუშით შეიძლება. მაგრამ იმის მიუხედავად, რომ ეს ფოსოები ასეთი უჩინარი არიან, ისინი თავის დანიშნულებას ჩინებულათ ასრულებენ და იმათი დანიშნულება ხომ დიდია. ისინი ობობას ქსელი-

ვით გამბული არიან მიწაში. ზოგი ზევით მიდის, ზოგი ქვევით, ზოგი პირდაპირ, ზოგი განზედ, ზოგი მარჯვენა, ზოგი მარცხენა და ამ გვარად სწოვენ მიწიდან ყველაფერს, რის ამოწოვაც-კი შეიძლება. ცხადია, რომ რამდენათაც მიწა ფხვიერია, იმდენად მეტი იქნება ფუსუსოების რიცხვი, იმდენად უადვილდებათ იმათ თავისი ძნელი საქმე. ყველა მცენარეს ამგვარი ფუსუსოების მთელი ჯარი ახვევია. „ერთმანეთს რომ გადავაბათ ერთი ძირი პურის ფუსუსოები, ოცი ვერსტის სიგრძე წვრილ ძაფს მივიღებთო“, — ამბობენ მეცნიერები. რა მცენარეც უნდა აიღოთ უეჭველად იპოვით თქვენ იმის ძირზედ აუარებელ რიცხვს ფუსუსოებისას. იმათ დაუხმარებლათ მცენარეს სიცოცხლე არ შეუძლია, რადგანაც არ შეეძლება საზრდოს შოვნა. წვენს მიწიდან მარტო ეს ფუსუსოები სწოვენ. საბრალო ფუსუსოები! განა ყველა ჩვენგანი აფასებს იმათ შრომას?! განა ყველა ჩვენგანმა იცის, რომ გემრიელი წითელი ვაშლები, უზარმაზარი ტკბილი საზამთრო, ქარვასავით ყვითელი ყურძნის მტევნები და სხვა მრავალი რამ, იმათი დაუღალავი შრომის ნაყოფი რომაა?! ისინი ჩუმათ, უხმოდ და თანაც დიდი გაჭივრებით მუშაობენ ბნელს ქვესკნელში, სადაც ვერ ატანს მზის სითბო და სინათლე, სადაც ჰაერი ძნელად ჩადის., ისინი მცენარის ცხოვრებაში „შავი მუშის“ მოვალეობას ასრულებენ; ივინმა უნდა ასაზრდოვონ მთელი მცენარე და გარდა ამისა რამოდენიმე ნაწილი ჩვენც (აღამიანებს) უნდა გვითავაზონ. ,

საყურადღებო ისაა, რომ ზოგიერთ მცენარეს ძირები ჰაერშიაც აქვს გამოტანილი, ერთი ამგვარიაგანი ჩვენე-

ბური სუროა. (ფათალო) სუროს მიწაში გადგმულ ძირებს გარდა, გამოაქვს ტანზედ (ჰაერში) უთვალავი ძირები, რომელთა საშვალეებითაც ეკერის ხეს და ზედ ეხვევა. ამგვარ მცენარეებს ეკუთნის ინდოეთის ლელვიც. ეს ხე




სურ. ; ინდოეთის ლელვის ხე.

ჰტარობს ინდოეთში და თავისი შორს გადატყორცხნილი მძლავრი ტოტებით, ერთ ვეებერთელა მწვანე კარავს წარმოადგენს, რომელიც ძვირფასი თავშესაფარია მგზავრებისათვის ცუდს ამინდში, ან ცხელს დღეში. იმის ქვეშ თამამად შეუძლია მოიკალათოს მთელმა ქარავანმა თავიანთი საქონლიანად. ამ მცენარის დიდრონ ტოტებზედ ხშირად აქა-იქ ტყავი სკდება და იქიდან გამოდის ძირი. ეს ძირი თანდათან მსხვილდება და გრძელდება. ბოლოს დადის მიწამდე, ჩადის შიგ და წვრილი ფოსოებით იფარება. ამ გვარად ეს ინდოეთის დევ-გმირი, თითქო გან-

გებ, რომ განიერი ქული არსით გადამიქანდესო, დაჰყუ-
დება თავისგანვე ჩამოშვებულ ცოცხალ სვეტებს და
არხენად არის. ხშირად უნახავთ, რომ ინდოეთის ლედუს
ორიდან სამი ათასამდე ჩამოშვებული ძირი ჰქონია.

VI.

ახლა საჭიროა შევიტყოთ, თუ როგორ მოულობს
სენარის ძირი მიწაში
აზრდოს და რა ხერხით
სწავს იქიდან. ამის გა-
გებათ-კი საჭიროა ამ-
გვარი ცდა მოვახდინოთ.
ავილოთ პატარა შუ-
ის მილი და ჩამოვაცვათ
ერთ ბოთლზედ კარგად
გარეცხილი ქათმის ან
ინდოურის ჩიჩახვი: თა-
ნაც მაგრა ძაფი შემრვუ-
ქიროთ, რომ არ წამო-
სძვრეს. შემდეგ, ჩავას-
ხათ მილში წმინდა წყა-
ლი, ისე რომ ჩიჩახვი
მთლად აივსოს და მილ-
ში-კი შვას არ ამოსცილ-
დეს. ახლა კარგა ღრმა
ჯამში ან ბანკაში ჩავა-
სხათ წითლად შეღებილი სპირტი და წყლით სავსე ჩიჩა-



სურ. 4. შუის მილი.

სპირტი და წყლით სავსე ჩიჩა-

ხვიანი მილი შიგ ჩავუშოთ. რამოდენიმე წუთის შემდეგ ჩვენ ცივნიშნავთ, რომ მილის წმინდა ანკარა წყალი გაწითლდა, და თანაც იმატა, ზევით-ზევით ამოიწია. აქ ცხადზე უცხადესია, რომ ჯამიდან წითლად შეღებილი სპირტი, რალაცა მანქანების ძალით გამძვრალა ჩიჩახვის კანში, შიგნით მოქცეულა და შიგ მყოფი წმინდა წყალი წითლად შეუღებავს. ეს მართლაც რომ ასეა, მაგრამ ჩვენ რა გვასწავლა ამ ცდამ? აი რა: ზევით ვთქვით, რომ მცენარის ძირებს ურიცხვი ბეწვები ასხია, რომლებიც კიდევ უფრო მომცრო ფუსუსოებით არის დაფარული. ეს ფუსუსოები თავიანთი სიპატარავის მიუხედავად, პაწაწკინტელა პარკუჭებს მოგვაგონებენ, რომელსაც ძლიერ სათუთი თხელი კანი აქვს. ამგვარი ფუსუსოები მიწაში ბლომად არიან გაბნეულნი. აქვე, მიწაშივე იმყოფება წყალი, რომელშიაც გამდნარია სხვა და სხვა მცენარისათვის საჭირო მასალა, როგორც მაგალითად: ნაცარტუტი, კირი და მარილი. აი ეს ნივთიერებანი წყალთან ერთად გადიან ფოსოების თხელ კანში და შიგნით ექცევიან ხოლმე; სწორედ იმ გვარად, როგორც წითლად შეღებილი სპირტი გაძვრბ ჩიჩახვის კანში.

როდესაც ფოსოები პოულობენ ისეთ ნამცეცებს თავიანთი საკვებავი მასალისას, რომელნიც წყალში არა დნებან, მაშინ საქმე სულ სხვანაირად მიდის. ამგვარ ნივთიერებას ეკუთვნის მცენარისათვის ძლიერ საჭირო რკინის ჟანგიც. ჟანგი წმინდა წყალში არ დნება ისე, როგორც მარილი, ის იშლება მხოლოდ წვრილ ნამცეცებათ. ამგვარ შემთხვევაში ფოსოები ხმარობენ ერთგვარ სიმჭავეს, რომელიც ადნობს ჟანგის ნამცეცებს და შეძ-

ლებას აძლევს ფუსუსოებს ის შეიწოვონ.

როდესაც წყალში გახსნილი, გამდნარი საკვებავი მასალა ფოსოებში მოექცევა, მაშინვე გადადის პატარა ბეწვებში, იქიდან მომცრო ძირებში, შემდეგ უფრო მოზრდილებში; ბოლოს მცენარის ტანს აჰყავს ტოტებში და იქიდან ფოთლებში გადადის.

VII.


მე ვგრძნობ, რომ ჩემი მკითხველი ცოტა არ იყოს უკმაყოფილოდაა. მას უნდა უფრო დაწვრილებით გაიგოს თუ როგორ სწოვს მცენარე მიწიდან ისეთ ნივთიერებას, რომელიც წყალში არ დნება. ის თხოულობს დაუმტკიცო, რომ ძირი მართლა უშვებს რალაც ნაირ სიმჟავეს, რომელშიაც ეს ნივთიერებანი დნებიან.

ინებეთ.

ავამსოთ ჩაის ქიქა წმინდა წყლით და ზევიდან მაგრა ბუშტი გადავაკრათ, ისე-კი რომ შიგნითა მხარე ბუშტისა წყალზედ იყოს დადებული. ამისთვის საჭიროა ქიქის კარგად ავსება. ბუშტის გარეთა მხარე ამ დროს თითქმის სულ მშრალია. ავილოთ და ბუშტზე, ზევიდან რა თქმა უნდა, დავადვათ პატარა მარილის ნაქერი. ვნახავთ რომ რამოდენიმე ხნის შემდეგ მარილი ქიქის თავიდან გაქრება, თუმცა ჩვენ იმისთვის ხელიც არ გვიხლია. მაშ რა იქნა მარილის ნაქერი? ის ნელ-ნელა გადნა, ტყავში გაძვრა და წყალში გაერია. ავილოთ ახლა და იქავ, სადაც მარილი იდვა, ცარცის ნატეხი ან ცოტა-ოდენი ჟანგი დავადვათ, ისინი ხელ-უხლებლად დარჩებიან

იქ, თუ გინდ მთელი წლის განმავლობაში. რისთვის მოხდა ახლა ეს? იმიტომ, რომ მარილი წყალში დნება, ცარცი და ჟანგი-კი არა.

მოდით ახლა და ჭიქის წყალს მიუმატოთ რაიმე სიმჟავე, თუნდა მაგარი, ცხარე ძმარი. არ გაივლის ნახევარი საათი, რომ ცარცსაც და ჟანგსაც იგივე დღე დაადგებათ, რაც მარილს. ისინიც გაჰქრებიან ჭიქის თავიდან და ძმარ ნარევე წყალში გაფრევიან. ეს-კი იმიტომ ხდება, რომ ძმარი ანუ სიმჟავე ისევე ადნობს ცარცს და ჟანგს, როგორც უბრალო წმინდა წყალი მარილს.




სურ. 5. თავმოკრული ჭიქა-

ახლა დააკვირდით სურათს, რომელზედაც გამოხატულია მცენარის ძირი, და დაინახავთ, თუ როგორი ურიცხვი ნამცეცები აკრავს ყოველი მხრიდგან. თითოეული იმათგანი ძირზედ მიკრული, წარმოადგენს მარილის ან ცარცის ნაჭერს ჭიქის თავზედ დადებულს. დანარჩენები ხომ ადვილი მისახვედრია. სიმჟავე, რომელიც ფოსოებში იმყოფება, ადნობს მიწებებულ კირის ან ჟანგის ნამცეცებს და შიგნით იწოვს. ამ ფოსოებიდან-კი გადადის მცენარის ყველა კუნჭულში. აი სწორედ ამგვარად იწოვს მცენარე მიწიდან იმ საჭირო მასალას, რომელიც წმინდა წყალში არ დნება და იმისთვის-კი აუცილებელ საჭიროებას შეადგენს.

ეს ყველაფერი მართალიაო მეტყვიეთ, მაგრამ ჯერ

ის დაგვიმტკიცე, რომ ძირში მართლა იმყოფება სიმჟავეო.


ეს მართლაც რომ საჭიროა და მეც ახლავე შევუდგები თქვენი სურვილის აღსრულებას.



სურ. 6. ძირის ფოსოები.

ავიღოთ საწერი ქალაღდის მაგიერათ სუფთად გათლილი მარმალილოს ფიცარი, მელანის მაგიერათ დავიდგათ წინ ერთი ჭიქა ცხარე ძმარი ან სხვა სიმჟავე; კალმის მაგიერად-კი პაღ არა ჩხირი, ყველა საჭირო სეუ-

საწყო მზადა გვაქვს. ჩავაწოთ ჩხირის ნატეხა სიმცავეში და დავიწყოთ იმით მარმალილოს ფიტარზედ წერა. რა-



სურ. 7. მარმალილოს ფიტარზე ამოსული მცენარე.
ოდენივე ხნის შემდეგ დავხედოთ იმ ადგილს, სადაც ჩვენ ჩხირს ვატარებდით. შევაჩვენეთ, რომ იქ სადაც

სიმჟავე მოხვდა ქვა ამოქმულია, იქ პატარა ღარი გაკეთებულა. ამას ურწმუნო თომაც-კი დაიჯერებს, რომ ეს ღარები სიმჟავის დაკეთებულია. ახლა ყურადღება მიაქციეთ იმ სურათს, რომელიც აქვეა მოთავსებული.

იქვე დახატულია დაბალი ოთხკუთხი ქურქელი, რომლის ძირზედაც წმინდად გათლილი მარმალილოს ფიცარია დაგებული და ზევიდან ერთი გოჯის სისქეზედ წმინდა სილაა ჩაყრილი. ამ სილაში სთესენ ლობიოს, ან ცერცეს და ყოველ დღე რწყავენ, რომ სილა არ გაშრეს. რამოდენიმე ხნის შემდეგ თესლი გაღვივდება და ამოვა. მცენარის ძირი, რაკი ქვევით წასასვლელ გზას ვერ იშოვის, მარმალილოს ქვის ფიცარზედ გაეფინება და აქეთ-წავა-წამოვა. რამოდენიმე ხნის შემდეგ რომ ჩვენ ეს მცენარეები ამოვეგლიჯოთ, მარმალილოს ფიცარი ამოვიღოთ, გავრეცხოთ და დავხედოთ, დავინახავთ რომ იმისი სწორე ზედა პირი, ეხლა სულ პატარა ღარებით არის დაკვალული და ეს ღარები სწორედ იმ ალაგებზედ არიან, სადაც მცენარის ძირები იყვნენ გაწოლილნი, ხოლო დანარჩენი ნაწილი ფიცრისა ისევ უწინდებურად სწორი და უღაროა. საიდგან გაჩნდენ ეს ღარები? ისინი დააკეთა მცენარის ძირებიდან გამოშვებულმა სიმჟავემ. ეხლა მგონია რომ ყველაფერი ცხადია.


VIII.

ღრ გეგონოთ ვითომც სულყველა მცენარე თავის ძირებს პირდაპირ მიწაში იკეთებდეს და საზრდოს იქიდან იღებდეს. მაშ როგორ იქნებაო იფიქრებს მკითხველი?

მცენარე, კაცი ხომ არ არის, რომ სხვისი შრომით ცხოვრება დაიწყოსო. მართალია, მცენარე კაცი არ არის, მაგრამ მწვანე სამეფოშიაც არიან ისეთი პირები, რომელნიც სხვისი ბარგი გამხდარან, სხვისი შრომით იკვებებიან. იმათი ბინა სხვა მცენარის ტოტი, ტანი ან ძირია. ჩაუშვებენ საბრალო მცენარის ტანში თავიანთ ძირებს და სიმწრით ნაშოვარ წვენს გზაში ართმევენ. ამგვარ მცენარეებს „მუქთა მკამლებს“ ანუ „პარაზიტებს“ ეძახიან. იმათი რიცხვი ძლიერ ბევრია. ერთ იმათგანს უთუოდ ყველა თქვენგანი იცნობს, რადგანაც ჩვენი ხეხილების ძლიერ ხშირი სტუმარია, მეტადრე უყვარს მსხალი. შეიძლება კიდევაც მიხვდით, რომ მე „ფითრის“ შესახებ გელაპარაკებით.

როდესაც ფითრი კარგათ მოიკალათებს თავის „მასპინძლის“ ტოტზედ, უცებ იზრდება და მრგვალ მოთეთრო წებოიან ნაყოფს ისხამს. თითოეულ ნაყოფში თესლია მომწვდელი. ზოგჯერ მსხალზედ და ვაშლზედ ისე მრავლდება ეს პარაზიტი, რომ საცოდავ ხეხილს არაქათი ელევა, სუსტდება და ხშირად სულაც ხმება.

წარმოიდგინეთ ფითრს ერთი მეტად ძვირფასი მეგობარი ჰყავს, რომელსაც ამ პარაზიტის გავრცელებაში დიდი ღვაწლი მიუძღვის. ეს მეგობარი შაშვია. ფითრის წებოიანი ნაყოფი შაშვის საყვარელ საკვებლს შე-



სურ. 8. ფითრა.

საყვარელ საკვებლს შე-

ადგენს და ამიტომაც იმისი ხშირი სტუმარიცაა. როცა ლაზათიანად მიადგება გემრიელ საჭმელს, შაშვი მეორე ხეზედ გადაფრინდება ხოლმე. მაგრამ შეხედეთ, ფეხზედ რამოდენიმე წებოიანი თესლი მიჰკვრია და აღარ შორდება. შაშვი ყოველ ღონეს ხმარობს როგორცე მოაშოროს ეს მეტი ბარგი და ყვითელი ნისკარტი თეხებს ისუფთავებს. მაგრამ აი ხათაბალა, თესლი ახლა ნისკარტზე აეკვიატა. მაგრამ ეშმაკობაში შაშვი განთქმულია. აი მონახა აწეული გახეთქილი ტოტის ტყავი, ნისკარტი ამოუსვა და თესლი შიგ ჩატოვა. ფიჯრასაც სწორედ ეს უნდოდა. სულ მოკლე ხანში ტყავს ქვეშ ძირი გაიკეთა, ხის ტოტებში ჩაუშო და სამუდამოდ დასახლდა.

ეს მუქთა-ყლაპია ფითრი ჩვენი ქვეყნის მცენარეა და ყველანი კარგათ იცნობთ, მაგრამ აი შორს, შორს ჩვენგან ინდოეთის ოკეანეში, სძევს ერთი დიდი კუნძული, სახელად სუმატრა. ამ კუნძულზე იცის ერთგვარი პარაზიტი, რომელსაც, „რაფელზია“ ჰქვიან. არა აქვს იმას არც ტანი, არც ტოტი, არც ფოთოლი. ცხოვრობს ვაზის ძირზედ. საკვირველი მცენარე ყოფილაო, იტყვიოთ თქვენ. არც ტანი აქვს, არც ტოტი, ფოთლები, მაშ რაღას უნდა წარმოადგენდეს ეს პარაზიტიო? მართლაც რომ გასაოცარია!. „რაფელზიას“ აქვს ერთი უზარ-მაზარი ყვავილი და ცოტაოდენი ფესვები, რომლებითაც ვაზის ნაშოვარ წვეწვს თავისკენ ეზიდება. ის სხვა ჩვენ ნაცნობ ყვავილებს არაფერში არ ჩამოჰგავს. სიგანე არშინ ნახევარი აქვს. მაგრამ სუნიტაც რომ საარაკოა! ვისაც ერთხელ მოხვედრია იმისი სურნელება, ის მეორედ ცხვირს აღარ წაუშვერს, რადგანაც რაფელზიას საძაგელი მყრალი, მქორის სუნი აქვს.

ღიდი ხანია იმ ბედნიერმა დრომ ჩაიარა, როცა ეგონათ, რომ მცენარე მარტო ძირების საშეაღებით სცხოვრობდა. მაშინ ამბობდნენ (და ყველასაც სჯეროდა), რომ ფოთლები ხის ლამაზ მორთულობას შეადგენს და სხვა დანიშნულება არაფერი აქვსო. იმ დროებაში იმასაც-კი ჰფიქრობდნენ, თითქო რაც ქვეყანაზედ არსებობს, ღმერთმა კაცისთვის გააჩინაო და ხესაც იმიტომ მისცა ასეთი ლამაზი ტანსაცმელი, რომ ადამიანის თვალს ესიამოვნოსო.

ახლა-კი ჩემო მკითხველო. სულ სხვა დრო დაგვიდგა და აზრიც შეიცვალა. მეცნიერებმა სრულად გამოიკვლია ამ მცენარის ცხოვრება და დარწმუნდნენ რომ ყოველი ნაწილი მცენარისა არის გაჩენილი არა ადამიანთა სურვილის დასაკმაყოფილებლად, არამედ თვით მცენარის კეთილ დღეობისათვის. დღეს ჩვენშიაც ყველამ იცის, რომ მცენარე ისევ საჭიროებს ფოთლებს, როგორც ძირებს და როგორც უძიროთ ისე უფოთლოთ იმისი ცხოვრება შეუძლებელია.

მაშ რა დანიშნულებას ასრულებს ფოთოლი?

ურიგო არ იქნება ამ კითხვის პასუხი მოვისმინოთ.

ჩვენ რომ ფოთლის ქვევითა მხრიდან თხელი კანი ავადროთ და იმის ნაქერს განმადიდებელი შუშით დავხედოთ, დავინახავთ რომ ნაქერზედ გაფანტულია მრავალი პატარ-პატარა, ვიწრო-ვიწრო მიღები, ანუ ნაპრა-

ლები. ამ ნაპრალებიდან ამოდის ორთქლის სახით ჰაერში ის გადამეტი წყალი, რომელიც ფოსოებიდან ფოთლებში მოდის. მაგრამ აი საყურადღებო რა არის: გვალვის დროს, როდესაც მიწაში წყალი ცოტაა და ძირებსაც უჭირთ იმის შოვნა ეს ნაპრალები თითქმის სულ იხურებიან, ძლივ ძლიობით მოსჩანან. თქვენ უეჭველად მიხვდით ამ ეშმაკობის მიზეზს. ფოთლებმა შეიტყვეს რომ, მიწაში წყლის სიძვირე დადგა, საშოვარი ცოტაა და ცდილობენ რაც შეიძლება ხარჯი შეამცირონ. ამიტომაც დახურეს ის პატარა ნაპრალები, რომლებიდანაც აორთქლებული წყალი ჰაერში გადადის. აი ხერხი თუ გინდა ეს არი!

ახლა მობრძანდით და დახედეთ ამ ნაპრალებს, მაშინ, როცა მიწაში წყალი ბლომათაა და ფოთლებიც უხვად უგზავნიან ფოთლებს! ნახავთ, რომ იმ პაწაწკინტელა ნაპრალებს, რაც ძალი და ღონე აქვთ პირები დაუღიათ და სცდილობენ მეტი წყალი მოიშორონ თავიდან. მაგრამ არ იფიქროთ, რომ მარტო ამით თავდებოდეს ფოთლების სამსახური? სრულიადაც არა... იმათ აქვთ სხვა უფრო საჭირო და საყურადღებო მოვალეობა.

X.

ოქნებ გაგონილიც გქონდეთ, რომ მცენარეს უჰაეროდ და უსინათლოდ ცხოვრება არ შეუძლია. ნორჩი მცენარე რომ ბნელ სარდაფში დავდგათ დასნეულდება და მოკვდება. ამგვარივე სამწუხარო შედეგი მოჰყვება იმასაც, თუ მცენარეს უჰაერო ალაგს მოვათავსებთ.

განა ცხოველს-კი შეუძლია უჭაეროდ ცხოვრება? რასაკვირველია არა. ცხოველმა რომ იცხოვროს, საჭიროა სუნთქვა და იქ სადაც სუნთქვა არ შეიძლება, არც ცხოვრებაა შესაძლებელი. ცხოველი ჰაერს სუნთქავს, ეს ყველამ ვიცით, მაგრამ არ შეგვიძლია სუნთქვა შევსწამოთ მცენარეს? შეგვიძლია და მართალიც ვიქნებით. მცენარე მართლა სუნთქავს ცხოველებსავით, მაგრამ იმ განსხვავებით, რომ ცხოველები ფილტვებით სუნთქავენ, მცენარეები-კი ფოთლებით. ამგვარად ფოთლებს მცენარისათვის იგივე დანიშნულება ჰქონია, რაც ფილტვებს ცხოველისათვის. ფილტვებში ჰაერი ჩადის ცხვირიდან და პირიდან, ხოლო ფოთლებში პატარა ნაპრალებიდან.

ეს ყველაფერი კარგი, მაგრამ სინათლე რაღა შეაშიალ? იკითხავთ თქვენ. ადამიანი ხომ ღამეც და ღღეც ერთნაირად კარგა სუნთქავს თუ-კი ჩასასუნთქავი ჰაერი არისო. ეს თქვენი შენიშვნა სრული ჭეშმარიტებაა. სინათლე მართლაც რომ საჭირო არ არის სუნთქვის დროს და მცენარეებიც თავისუფლად სუნთქავენ როგორც ღღე, ისე ღამე, როგორც სინათლეში, ისე სიბნელეშიაც, მაშ სინათლე რაღა საჭიროაო? იკითხავთ კიდევ. აი მოისმინეთ: სინათლე საჭიროა, და ძლიერ საჭიროც, მაგრამ სუნთქვისთვის-კი არა. საქმე აი რაშია: ხეები, ბუჩქები და ბალახები, არამც თუ ისუნთქავენ ჰაერს, არამედ იმით კიდევაც იკვებებიან. ჰაერში ურევია ჩვენთვის უჩინარი მცენარის საზრდო, რომელსაც ფოთლებში გაუმადლად ჰყლაპავენ. ჩვენ ვიცით, რომ ფოთლებშივე მოდის მიწიდან ამოწოვილი წყალი, რომელშიაც გამდნარია: კირი, მარილი, ქანგი, გვარჯილა და ნაცარტუტი. აი სწორედ

მაშინ როცა ჰაერიდან შეწოვილი და ძირებიდან ამოსული საკვებავი მასალა ერთად თავს მოიყრის ფოთლებში, სინათლეც მუშაობას იწყებს. ის ხელს უწყობს ამ უმი მასალის დამუშავებას. ამ შეერთების დროს ისინი მართლა იცვლებიან და სხვაფერდებიან. უმი მასალიდან სანთლის დახმარებით კეთდება ის ცხოველმყოფელი წვენი, რომელიც ზრდის ტოტებს, ფოთლებს, ტანს და ფესვებს, ამზადებს ნაყოფებს და ახალ ტოტებს.

თქვენ ნათლად დაინახეთ, თუ რა შრომა ჰქონია ფოთლებს. ფოთლებში, როგორც ქარხანაში, თავს იყრის ბევრი უმი მასალა; ფოთოლივე იზიდავს ჰაერიდან სინათლეს, რომლის დახმარებითაც ეს უმი მასალა მუშავდება, სხვაფერდება და ბოლოს მასაზრდოვებელ-მაცოცხლებელ წვნად იქცევა ხოლმე.

იმედია შემდეგ არავინ იტყვის, ფოთლებს არაფერი ღვაწლი მიუძღვით მცენარის წინაშე; არავინ იტყვის, რომ ფოთლები მარტო ლამაზ მორთულობას წარმოადგენენ და იმიტომ არიან გაჩენილნი, რომ ადამიანის თვალის ასიამოვნონო. ჩვენ დავინახეთ თუ რა შრომა ჰქონიათ დაწოლილი საცოდავ ფოთლებს და სირცხვილი იქნება ღვაწლი არ დაეუფასოთ.


XI.

რა ჰქვია იმ უხილავ საკვებავ მასალას, რომელსაც მცენარე ჰაერიდან სწოვს? საჭიროა და კითხვაც განვიხილოთ.

ქვა რომ მაგარი საგანია და წყალი თხელი, ეს ყველამ იცის, მაგრამ ჰაერი როგორიღაა? ჩვენ იმას ვერც

ვხედავთ, ვერც ხელს მოვიკიდებთ, ვერც სუნით ვპოულობთ და ვერც გემოთი ვგრძნობთ. ჩვენ გვესმის იმისი მარტო გუგუნნი, თუ ღონიერი ქარი უბერავს, ან არა და ვხედავთ როგორ იზნიქებიან ხის ტოტები, როგორ გორავენ ზღვის მძლავრი ტალღები, როგორ მიჰქრის ღრუბელთა გროვა ცაზედ, როცა ქარი ჰქრის და ქარი ხომ ჰაერის მოძრაობისგან წარმოსდგება.

ჰაერი ყველგან არის ჩვენს გარშემო. ის არც მაგარი სხეულია და არც სითხე არის. ის არის „წვლილი“. ჰაერი ერთგვარ წვლილს როდი წარმოადგენს; ის შემდგარია სხვა და სხვა თვისების წვლილთაგან. ერთ მეხუთედ ნაწილს იმისას შეადგენს ერთნაირი წვლილი, რომელსაც მეცნიერმა კაცებმა „მჟავბადი“ დაარქვეს. მჟავბადი უსაჭიროესი რამ არის ყველა ცოცხალი არსებისათვის. ჰაერს, რომ რაიმე ხერხით, მჟავბადი გამოვაცალოთ, არცერთი ცხოველი აღარ დარჩება ქვეყანაზედ ცოცხალი, ყველანი დაიგუდებიან. აი მაგალითიც: დავამწყვდიოთ პატარა ჩიტის შუშის ჯამს ქვეშ, ისე კი რომ გარეთა ჰაერი შიგ ვერ შედიოდეს. ჩიტის იხტუნავენს ჯერ არხეინად, შემდეგ მისუსტდება და ბოლოს სულიც გავარდება. რა დაემართა საცოდავს? ჩიტის კვდება შუშაში.



ის დაემართა რომ ჯამს ქვეშ მჟავბადი გამოილია. როცა მჟავბადი ხელ უხლებელი იყო, ჩიტიც არხეინად დახტოდა, მაგრამ აი ყოველ ჩასუნთქვაზე ის შემეცირდა, ბოლოს მთლად გამოილია და ჩიტუნამაც სული განუტევა. ის მოკვდა, მაგრამ ჩვენ დაგვიმტკიცა; უმჟავბადო ჰაერში

სიცოცხლე არ შეიძლებაო. სად წავიდა ის მკვებელი, რომელიც ჯამ ქვეშ იყო? ის ჯერ ჩავიდა ჩიტუნას პატარა ფილტვებში, იქ შეუერთდა სისხლს და სხეულში წავიდ-წამოვიდა. ჩასუნთქული მკვებელის მაგივრად ჩიტუნამ ამოისუნთქა სხვა გვარი წვლილი, რომელსაც „ნახშირ-მკვავეს“ ეძახიან. სულ ყველა ცხოველი ჰაერიდან „მკვებელს“ ჩაისუნთქავს და „ნახშირ მკვავეს“ ამოისუნთქავს ხოლმე. ამასთანავე საჭიროა ვიცოდეთ, რომ მკვებელი მარტო ჩასასუნთქავად კი არ არის საჭირო. ის რომ არ ყოფილიყო ჩვენ მთელი ლამეები ბნელში უნდა ვმსხდარიყავით და ზამთრის ცივ ლამეში ხომ კბილები უნდა გვეკაწკაწებია. რატომო, არ რკითხავთ? იმიტომ, რომ ჩვენ არ შეგვეძლებოდა არც სინათლის ანთება, არც ბუხრის გახურება, რადგან უმკვებადოთ არაფერი არც იწვის, არც ენთება. ანთეთ სანთელი და დაახურეთ თავზედ მოგზო ბანკა. სანთელი ცოტა ხანს ანთებს და შემდეგ გაქრება. სანამ ბანკას ქვეშ მკვებელი იყო, სანთელიც ენთო, როცა გათავდა მკვებელი. სანთელიც გაქრა.

კვამლში, რომელიც ბუხრიდან ამოდის, ყოველთვის ურევია ბევრი ნახშირ-მკვავე. აქ-კი საიდან გაჩნდა ის? აი საიდან. როდესაც მუგუზალი დაიწვის, ნახშირად იქცევა ხოლმე. თუ რომ ამ ნახშირსაც კიდევ დავწვავთ, რისთვისაც ახალი მკვამბადი იქნება საჭირო, მაშინ მუგუზლიდან დავგრჩება მარტო ნაცარი. ჯერ მუგუზალი დაიწვა და ნახშირი რა იქნა? დაწვის დროს ის შეუერთდა ჰაერთან მოყოლილ მკვებელს და წარმოსდგა ჩვენი ნაცარობი „ნახშირმკვავე“. ამნაირად მაგარი სხეული ნახში

რი, გადაიქცა წვლილად და კვამლთან ერთად ჰაერს შეერია.

როდესაც ღვება რამე ორგანიული საგანი როცა დუღს ტკბილი, ლუდი, კვასი, როდესაც მჟავდება პურის ცომი, ყოველთვის ჩნდება იგივე ნახშირ მჟავე. სწორედ ეს ნახშირ მჟავეა ის უჩინარი საქმელი, რომელსაც მცენარის ფოთლები ჰაერიდან სწოვენ ხოლმე.

XII.

ცოტაოდენი ნახშირ-მჟავე ჰაერში ყოველთვის ურევია. ის ჩნდება მაშინ, როდესაც ცხოველები სუნთქავენ-როდესაც იწვის: შეშა, ნახშირი ან ნავთი; როდესაც იხრწნებიან მცენარის ან ცხოველის ნაწილები, როდესაც დუღს ტკბილი, როდესაც მჟავდება ცომი და სხვ. ამა-სთანავე ჩვენ ვიცით, რომ ნახშირ-მჟავე მარტივი წვლილი არ არის; ის შემდგარია: ნახშირისა და მჟავბადისაგან. ახლა შევიტყოთ ისიც, თუ რაგვარად ხმარობს მცენარე ამ საზრდოს.

ჰაერში გაბნეული ნახშირ-მჟავის ნაწილები იმ ვიწრო ნაპრალების შემწეობით, რომელზედაც ჩვენ ბევრი ვილაპარაკეთ, შედიან შიგ ფოთოლში. ამავე დროს ფოთოლი იზიდავს თავისკენ სინათლეს, რომელიც ფოთოლში მომწყვდეულ ნახშირ-მჟავეს შლის, ჰყოფს თავის შემადგენელ ნაწილებათ ე. ი. ნახშირათ და მჟავბადათ. განთავისუფლებული მჟავბადი იმავე გზით გარეთ გამოდის და ჰაერს ერევა, ნახშირი შიგვე რჩება. როგორც-კი სინათლემ თავისი პირველი დანიშნულება შეასრულა, ე. ი. გააცალკევა ნახშირი და მჟავბადი იწყამსვე, საქმეს


იცვლის. იმისვე გავლენით ფოთოლში დარჩენილი ნახშირი უერთდება მიწიდან ამოწოვილ წვენს, და თუმცა ეს გასაკვირია, მაგრამ ნახშირ-წყლის მაგივრად ჩნდება: შაქარი, კრახმალი, და მრავალ-გვარი სიმჟავეები. ის რატომ უნდა გემახსოვრებათ, რომ მიწიდან ამოწოვილ წვენში ურევია: მარილი, ჟანგი, გვარჯილა, და ნაცარ ტუტი. ყველა ესენი აქ უერთდებიან შაქარს, კრახმალს, სიმჟავეებს და ამ სახით მზადდება ის საკვირველი წვენი, რომელიც ზრდის ახალ-ახალ ტოტებს, ძირებს, ყვავილს, ნაყოფს და თესლებს; რომლის ხარჯითაც მატულობს მცენარე როგორც მალა ისე განზევს.

თქვენ იქნებ კიდევაც მიხვდით, რომ მცენარეებს და ცხოველებს ერთმანეთთან დიდი კავშირი ჰქონათ, რომ მუდამ ერთმანეთის სამსახურში ყოფილან. საქმე იმაშია, რომ ცხოველები ჰაერიდან მარტო მჟავადას საჭიროებენ და ჩასუნთქული წმინდა მჟავადის მაგივრად ნახშირ-მჟავეს ამოისუნთქავენ ხოლმე. მაგრამ წარმოიდგინეთ, რომ ეს ცხოველებისთვის უვარგისი ნახშირ-მჟავე, მცენარეების აუცილებელ საჭიროებას შეადგენს. მცენარის ფოთლებში სინათლის გავლენით ეს ნახშირ-მჟავე იშლება თავის შემადგენელ ნაწილებათ: ნახშირათ და მჟავადათ, რომლებსგანაც მცენარისთვის საჭირო ნახშირი, შიგვე ფოთლებშივე რჩება, ხოლო წმინდა მჟავადი გარეთ გამოდის და ჰაერს ერევა. ერთი სიტყვით: ის რაც ცხოველებისთვის გამოუსადეგარია (ე. ი. ნახშირ-მჟავე), მცენარეებისთვის აუცილებელი საჭირო ყოფილა, ხოლო ის რაც მცენარეს მაინცა და მაინც არ სჭირია (ე. ი. მჟავადი) ცხოველების უმთავრეს მოთხოვნილებას შეადგენს.

ამ დამოკიდებულებას, მცენარეებსა და ცხოველებს შორის, ცხადად დაგვანახვებს შემდეგი მაგალითი. იმ ბანკას ქვეშ, რომელშიაც ჩვენ, თუ გახსოვთ, ჩიტუნია დავამწყვდიეთ, შევდგათ პატარა მცენარე და ვნახოთ რა მოუვა პატარა ტუსალს; მოკვდება ისე, როგორც იმისი წინამორბედი მოკვდა თუ ცოცხალი გადარჩება. მაღლობა ღმერთს?.. ცდამ უმსხვერპლოდ ჩაიარა... ჩიტუნია ცოცხალი გადარჩა და თავის მხსნელს გარშემო დასტრიალებს. რა მიზეზია, რომ წინედ, როცა ბანკას ქვეშ მარტო ჩიტი დავამწყვდიეთ მოკვდა, ახლა-კი მცენარესთან ერთად ცოცხალი გადარჩა? ამის მიზეზი ჩვენთვის უკვე ცხადია. ის ნახშირ მჟავე, რომელიც ჩიტუნია ამოისუნთქა მჟავბადის ნაცვლად, მცენარემ თავისი ფოთლების და სინათლის შემწეობით გაწმინდა: ნახშირი თითონ დაიტოვა და წმინდა მჟავბადი ისევ ჩიტუნიას დაუბრუნა. სამაგიეროდ ჩიტმა წმინდა მჟავბადის მაგივრად ნახშირ-მჟავე უთავაზა თავის მგობარს: ამნაირად ერთმანეთს უმზადებენ საქმელს, ერთმანეთს ხელს ფწყობენ და ორივენი ცოცხალი რჩებიან.

ეს მაგალითი ნათლად გვიჩვენებს, თუ რა დიდი სარგებლობა მოაქვთ მცენარეებს და ცხოველებს ერთმანეთისათვის, თუმცა სხვანაირად მოქცევა არც შეუძლიანთ.

ამასთანავე უნდა გვახსოვდეს, რომ ყველა „მწვანე“ მცენარე, მიუხედავად იმისა, რომ იკვებება ნახშირ-მჟავით; სუნთქავს ისევე, როგორც ცხოველი ე. ი. ჩაისუნთქავს და ამოისუნთქავს ნახშირ-მჟავეს.



XIII.

მაშ ამგვარად ძირები სწოვენ მიწიდან წყალს და იმაწი გამდნარ დაუმუშავებელ საკვებაე მასალას. ფოთლები-კი უფრო რთულს მოვალეობას ასრულებენ. ფოთლების საშუალებით ორთქლდება და ჰაერს ერევა ის მეტი წყალი, რომელიც მცენარისთვის საჭირო არაა. ფოთლებით სუნთქავს მცენარე, ე. ი. ჰაერიდან ითვისებს მჟავბადს და უკან აბრუნებს ნახშირ-მჟავეს. ფოთლებითვე (დღითი, სინათლეზე, მარტო სინათლეზე—გახსოვდეთ) ითვისებს ნახშირ-მჟავეს და იკვებება იმითი. აქვე, ფოთლებშივე, გუშავდება ის უმი, დაუმზადებელი წვენი, რომელიც ძირებიდან ამოჩუხჩუხებს და გარდაქმნილ-გადაკეთებული მცენარეს ასაზრდოებს. უმთავრესს სამუშაოს ფოთლებში სინათლე ასრულებს. ის აცალკევებს ნახშირს მჟავბადისაგან და იმის გავლენითვე მზადდება ის ცხოველ-მყოფელი წვენი, რომელიც ჰკვებავს მცენარის ყველა ნაწილებს.

რალა მოვალეობა აწევს ტანსა და ტოტებს? ვგონებ მეტი არ იქნება იმათი დანიშნულებაც შევიტყოთ; გავიგოთ, თუ რა ღვაწლი მიუძღვის იმათ მცენარეთა ცხოვრებაში.

სანამ ამ საქმეს შევუდგებოდეთ, საჭიროა გავიხსენოთ, რომ მრავალი მცენარე მოკლებულია, როგორც ტანს, ისე ტოტებსაც. მაგალითისათვის დავასახელოთ თუნდა ყველას ნაცნობი მრავალ-ძარღვა. იმისი ბრტყე-

ლი, ძარღვიანი ფოთლები, პირდაპირ მიწაზეა დართხული, რადგანაც ამ მცენარეს არც ტანი აქვს და არც ტოტები. ამ ნაკლულევანებათა მიუხედავად, მრავალ-ძარღვა ჩინებულად ხარობს და მრავლდება. ამის მიხედვით უნდა ვიფიქროთ, რომ ტანი და ტოტები მცენარის აუცილებელ საჭიროებას არ შეადგენენ, ხოლო რომელ მცენარესაც კი აქვს ეს ნაწილები, იქ მოვალეობასაც ასრულებენ.

გავხერხოთ გან-და-გან მცენარის ტანი და დავხედოთ როგორი შინაგანი მოწყობილება ჰქონია. გარედან ტანს შემორტყმული აქვს ტყავი. შიგნით-კი შეამჩნევო „ხის“ რგოლებს, რომლებიც თითქო ერთი-მეორეში არიან ჩამჯდარნიო. შუაგულში-კი არის ხის „გული“. ექვს გარეშეა, რომ ყველა ამ ნაწილთაგანი თავის დროზედ მცენარისათვის საჭიროა. მაშ. შევიტყოთ ჯერ ჯერობით თითონ „ხის“ დანიშნულება.

„ხეს“ ჩვენ აქ ვეძახით მცენარის ტანის იმ ნაწილს, რომელიც მომწყვდეულია „ტყავსა“ და „გულს“ შუა. სწორედ ამ ხეში უნდა გაიაროს იმ წვენმა, რომელსაც ძირები ფოთლებს უგზავნიან დასამუშავებლად. მაშასადამე, „ხე“ წარმოადგენს გზას. ამის დამტკიცება ადვილი საქმეა. ცხადია, რომ ის წვენი, რომელსაც მიწიდან ძირები სწოვენ ფოთოლში, ან ტყავს უნდა აჰყვეს, ან „ხეს“ და ან „გულს“; მეტი გზა აღარ დარჩა. მცენარის გული რომ ვზა არ არის, ეს იქიდან მტკიცდება, რომ ზოგიერთ პურეულს მცენარეს გული სრულებით არა აქვს და ესეც რომ არ იყოს, ისეთი უზარმაზარი ხეც ხშირია, რომელსაც გულის მაგივრად კარგა მოზრ-

დილი ფულურო აქვს. როგორც პურეული (პური, ქერი, ქვაფი), ისე ფულუროიანი მცენარეც კარგად ხარობს და იზრდება, მაგრამ წვენის გზა რომ გული ყოფილიყო, ვანა ისინი დიდხანს იბოგინებდნენ? ამგვარად დაგვრჩა ორი გზა: ტყავი ან „ხე“. გული არაფერ შუაში ყოფილა. ახლა უნდა გავარკვიოთ, რომელი ამათგანია ის გზა, ფოთლებში რომ წვენი აჰყავს.


ამ კითხვაზე გვიპასუხებს ამგვარი ცდა:

ავილოთ და ახალგაზდა ვაშლის ხეს მიწის პირად ირგვლივ ვიწრო ტყავის სარტყელი შემოვადროთ. ამით მცენარეს არაფერი დაუშავდება, ის ზრდას არ მოიშლის, ყვავილს გამოიღებს და ნაყოფსაც მოგვცემს; ერთის სიტყვით, ის იცხოვრებს. ძირებიდან ფოთლებში მიმავალი წვენი რომ ტყავს მიჰყვებოდეს, ჩვენი ვაშლი ადრე გახმებოდა, რადგანაც ტყავის შემოძრობით წვენს გზა მოეჭრებოდა. მაგრამ ეს ასე არა ხდება. ვაშლი ისევ ჯანსაღი რჩება, რითაც გვიმტკიცებს, რომ ზევით მიმავალი წვენის გზა ტყავი არ არისო. თუ კი მართლა ზევით მიმავალი წვენი არც ტყავს და არც გულს არ მიჰყვება, უნდა გადავსწავიტოთ, რომ ის მესამე გზით ადის ფოთლებში; ეს მესამე და უკანასკნელი გზა-კი „ხე“. სხვა გვარი დასკვნის გამოყვანა აქ შეუძლებელია.

ჩვენ უკვე ვიცით, რომ ფესვებისაგან ამონაწოვი უმი მასალა ფოთლებში გადაკეთდება, გადასხვაფერდება და მკვებავ წვენად იქცევა ხოლმე. ეს გადაკეთებული წვენი ბრუნდება ფოთლებიდგან უკან, ქვევით და ასაზრდოვებს მთელს მცენარეს ფოთლებიდან დაწყებული ძირებამდე.

საჭიროა ვიცოდეთ, რომელი გზით ბრუნდება ქვევით მომავალი წვენი. რისთვის არ ერევა იმ დაუმუშავებელს მასალას, რომელიც ქვევიდან ზევით მიდის რატომ არ უშლიან ერთი-მეორეს მოძრაობას. მიზეზი იგახლავთ, რომ იმათი გზები სხვა-და-სხვა მხრით მიდიან თითოეული მათგანი თავის საკუთარ გზას ადგას. მოვასწავლიათ კიდევ ერთი ცდა. ავიღოთ ორი ახალ-მოჭრილი ალუბლის ტოტი. ერთ მათგანს შემოვადროთ შუა ადგილზე ტყავის სალტე, მეორე-კი ისე დავტოვოთ.


ორივე ტოტის ბოლო მოვათავსოთ წყალში. რამოდენიმე დღის შემდეგ ჩვენ შევამჩნევთ, რომ ტოტებზე ძირები გამოსულა, მაგრამ საქმე აი რაშია: იმ ტოტს, რომელსაც ტყავი შემომძვრალი არა აქვს, ძირები ბოლოზედ გამოსვლია, ხოლო იმას-კი, რომელსაც



სურ. 10. ჭრილობის ზემოდ ფესვები

ტყავი აქვს შემომძვრალი, ძირები ჭრილობის ზემოდ გამოსულია. ეს სურათზედაც კარგად სჩანს (სურ. 10). ეს ასე იმის გამოა, რომ ის წვენი, რომლის ხარჯითაც ძირი უნდა გაჩენილიყო, პირველ (ტყავ-აუძრობელ) ტოტში ჩავიდბლომად, რადგანაც გზაში დაბრკოლება არ შეხვედრია, მთელი ძალა იქ მიატანა და ძირებიც გამოიღო. მეორე (ტყავ-აძრობილ) ტოტში ზევიდან მიმავალ ნოყიერ წვენს

გზა შეკრული დაურჩა და ბოლომდის ველარ ჩააღწია. ის მოგროვდა ამძვრალ ადგილს ზემოდ და ტოტმაც ძირები სწორედ აქ გამოიღო. ჩვენ ექვი რომ სრულიად გაიფანტოს, საჭიროა კიდევ ერთი მაგალითი.



ჩვენ წინ გამოხატულია ვაშლის პატარა ტოტი (სურ. 11), რომელზედაც სამიოდე ნაყოფი მოსჩანს. შემოვადრით ამ ყლორტს ტყავი ნაყოფის ზემოდამ, სწორედ ისე, როგორც სურათზეა ნაჩვენები და ამით შეეუკრათ გზა ფოთლებიდან ნაყოფში მომავალ წვეწვს. ნაყოფი არამც თუ შესწყვეტს ზრდას, არამედ დასქვენება და ძირს ჩამოცვივა. ჩვენ


სურ. 11. ნაყოფიანი პატარა ტოტი.

რომ ტყავი ნაყოფის ქვემოდან აგვეძრო, მაშინ ის (ნაყოფი) ჩვეულებრივზედ უფრო მეტს გაიზრდებოდა. ამგვარად ჩვენ შევიტყვეთ, რომ მცენარის ტანი ყოფილა გზა ქვევით და ზევით მიმავალის წვეწვწისა. ზევით მიმავალი დაუმუშავებელი მასალა მიდის „ხეში“ და ფოთლებში ადის, ხოლო იქ გადაკეთებულ-გადასხვაფერებული წვეწვი ტყავის შემწეობით უკან ბრუნდება და ქვევით მოდის.

XIV.

ზვერი, ძლიერ ბვერი, გაჭირვება უნდა გამოიაროს მცენარემ თავის ცხოვრებაში. რამდენი მტერი ახვევია სა-

ბრალს გარშემო! რამდენი გაუმაძლარი თვალი შეჰყურებს და რამდენი გაღესილი კბილი დაეძვძვს! ყველა ამ დაბრკოლებას უნდა ებრძოდოს, უნდა გაუმკლავდეს თუ მოსპობა არ მოჰხალისებია. ქარი, ელვა-ქუხილი, გვალვა-ყინვა, პაპანაქება სიცხე, ყველა ესენი ასე თუ ისე ზარალს აძლევენ მას და ყველას ანგარიშის მიცემა უნდა. აქ კიდევ მოხდება ისე, რომ მიწაში საკმელი არ არის ან სინათლე და სითბო ძვირობს, რადგანაც ახლო მეზობელი უჩრდილებს, მზეს და სითბოს ართმევს. რა დაბრკოლება არ შეხვდება საწყალს, ვინ მოსთვლის! იქ, სადაც სულ პატარა ადგილზედ თავმოყრილია ბევრი მათ.



სურ. 12. სხვა-და-სხვა გვარი ფესვები.

განი, იქ ხომ საბრალოებს სული კბილით უჭირავთ. ან-კი რა ჰქნან?! სულყველამ ერთი და იმავე ადგილიდან უნდა სწოვოს წვენი; მიწაში-კი ცოტა საკმელია. აქ რო-

გორ-ღა გამოწყვებიან მეზობლები? რალა ლაპარაკი უნ-
და, რომ ამ ყოფაში ყველა ვერ იღღესასწაულებს, ზოგს



შავი დღე გაუთენდება. რომელიც უფრო ხერხიანად გაიდგანს ძირებს და თავისს მეზობელს ხელიდან ლუკ-
მას წააგლეჯს, გამარჯვებაც იმისია.

ამიტომაც ყველა მცენარე ერთ-
ნაირ ძირებს არ იკეთებს. ზოგიერთი მათგანი ფესვებს ღრმად უშვებს მიწაში, რომ იქიდან ამოსწოვოს, ის მასალა, რომელთანაც მეზობელს ხე-
ლი არ მიუწვდება. სხვები ფესვებს შორს განზედ უშვებენ, რომ მეზო-

სურ. 13. სხვა-და-სხვა გვარი ფესვები.

ბლის ჯამიდანაც მოიტაცონ ლუკმის ნაგლეჯი (იხ. სურ. 12., გვ. 38). ზოგიერთებს არც შორს და არც ღრმად წასვლა არ უნებებიათ, მაგრამ ურიცხვი ფოსოების საშუალებით ცდილობენ მიწიდან ამოსწოვონ ყოველივე ის, რის ამო-
წოვაც კი შეიძლება. არიან ისეთებიც, რომელ-
ნიც მიწას არც-ეკარებიათ. ისინი ბინას სხვა მცენარეზედ იკეთებენ. ერთი სიტყვით, ყველა ისე ცხოვრობს, როგორც მისთვის უმჯობე-
სია. ეს თავისებურობა ყველაფერში მოსჩანს. არიან ისეთი ახოვანი მცენარეები, რომლების მსხვილი და მაგარი ტანრც თვით ქარიშხალსაც ქედს არ მოუხრის, მაგრამ არიან ისეთე-
ბიც, რომლებსაც უბრალო ქარი ძირამდე არყვეს და მიწაზედ ართხოვს, მაგრამ მო-



სურ. 14. შემობ. მც.

ქნილი ტანის წყალობით ისევ ფეხზედ დგებთან ხოლმე. ზოგიერთ მცენარეს საკუთარის ღონით არც შეუძლიან ტანის დამაგრება (ლობიო, მუხუდო, ვაზი). ისინი გარს ეხვევიან რაიმე უფრო მაგარ საგანს და ზევით-ზევით მიდიან (იხ. სურ. 14, გვ. 39), რომ მზის სინათლე და სითბო მეტი იშოვნონ. სინათლე და სითბო, როგორც არა ერთხელ გვითქვამს, მცენარისათვის დიდ საჭიროებას შეადგენს და ამიტომ ყველა მათგანი ცდილობს მეტი იშოვოს. როდესაც რიგიანად აათვალ-ჩაათვლიერებ ხის ტოტზე ჩამწკრივებულ ფოთლებს, ნახავ, რომ ისინი თითქო განგებ ცდილან ერთმანეთს არ დავუზრდილოთო. ზოგს მცენარეს ფოთლები რგოლებივით უსხედან ირგვლივ, ტოტის გარშემო, მაგრამ ისე-კი, რომ ზედა რიგის ფოთლები ქვეითა ფოთლების შუაზე მოდიან, ზოგიერთ ტოტს ფოთლები ვინტევით ეხვევა გარშემო, მაგრამ აქაც პირველის პირდაპირ ან მესამე ან მეოთხე ფოთოლი მოდის. ზოგჯერ ფოთლები წყვილ-წყვილად სხედან ტოტზედ, ხოლო ისე კი, რომ ერთი წყვილი მეორის ჯკარედინად მოდის. ყოველივე ეს ხელს უწყობს ფოთლებს მეტი სინათლე და სითბო იშოვნონ.


XV.

ყველა თქვენგანს უნახავს ისეთი მცენარე, რომლის ტანი, ტოტები და ხშირად ფოთლებიც გრძელი წვეტიანი კბილებით ყოფილა შემოსილი. ასკილი, კვრინჩხი, კუნელი, ეკალი, ნარი,—აი მათი წარმომადგენლები! დი-

დი ფიქრი არ დაგვქირდება იმისთვის, რომ ამ კბილების დანიშნულება გავიგოთ. ცხადია, იმათი საშუალებით მცენარე თავს იფარავს აურაცხელი მტრებისგან. მცენარის მტრები, ვის არ მოგეხსენებათ, ბალახის მჭამელი ცხოველებია, მაგალითად, ძროხები, ხარები, ცხვრები, თხები, ცხენები, ირმები, ჯიხვები, სპილოები და სხვ. როგორ დაიფაროს თავი საბრალო მცენარემ? მე თქვენ ვითვალთ არ გაიქცეს და სადმე არ დაიმალოს!.. აი ამიტომაც ზოგი მათგანი შეიარაღდა მსხვილი კბილებით და გაფრთხილებელ მტრებს თავს აწყველინებენ ხოლმე. მაგრამ ყველას კბილები რომ არა აქვს? ზოგიერთი მათგანი მტერს სხვანაირად იგერებს. ბალახის მჭამელი ცხოველები ძოვნის დროს გაჩვეულნი არიან და ყველა მცენარეს ერთნაირად როდი ეტანებიან. მწარეს, მყარს ან შხამიანს მცენარეს ისინი ახლოც არ ეკარებიან ხოლმე, ამიტომ ყველა ეს თვისება მცენარისთვის სასარგებლოა. არა მკლებ მფარველობას უწევს ჭინჭარს თავისი შხამიანი ჭეწვები; თუ რომელიმე ცხოველს ერთხელ-კი აუწო ტუჩები, ის მეორედ აღარ ისურვებს ამ ბედნიერებას და ახლო აღარ გაეკარება. ხერხიანად მოეწყო „ჭინჭრის დედაც“. ეს მცენარე გარეგანი შეხედულებით ძლიერ ჩამოკვავს ჩვენებურ ჭინჭარს, თუმცა შხამისა არაფერი არ გააჩნია. ამ მცენარეს ჩვენში ახლა „ჩინურ ჭინჭარს“ ანუ „კამის“ ეძახიან და იმისი კანის ძაფებისგან ძვირფასს ნაქსოვებს ამზადებენ. აი ეს ეშმაკი ჭინჭარი სწორედ ამით იგერებს მტრებს, რომ ნამდვილი კბენია ჭინჭარის შეხედულობა მიუღია.

ბევრი ლაპარაკი დაგვქირდებოდა იმის ჩამოსათვლე-

ლად, თუ რომელი მცენარე თავს როგორ იფარავს მტროსაგან; ის მაგალითებიც საკმარისია, რომლებზედაც ჩვენ ვილაპარაკეთ, რადგანაც ცხადად დაინახეთ, რომ ყველა მცენარეს ფესვების მოყვანილობა, ტოტებისა და ფოთლების მორთულობა ისე აქვს მოწყობილი, რომ უკეთესად გამოიკვებოს, მეტი სითბო და სინათლე იშოვოს და მტრები მოიგეროს. რა თქმა უნდა, ყველას ცხოვრება ერთნაირად კარგად არ არის მოწყობილი, ზოგი გამარჯვებულია, ხოლო ზოგს-კი სიცოცხლე უჭირს. ზოგი ათასი წლობით ცხოვრობს, ზოგი-კი დღე-მოკლეა.




XVI.

მცენარე არამც თუ სუნთქავს, იკვებება და იზრდება, არამედ კიდევაც მრავლდება, ე. ი. აჩენს შთამომავლობას. ეს ამგვარად ხდება: მცენარე იღებს ყვავილს, რომელიც მწიფდება, ქანება და ძირს ცვივა, ხოლო იმის ადგილას ისახება პატარა ნაყოფი, რომელშიაც ჩასახულია თესლები. ნაყოფთან ერთად თესლიც მწიფდება და მიწაზედ ცვივა. გაზაფხულზედ ამ თესლებიდან ამოდის ახალგაზდა მცენარე. ეს რომ ასე მოხდეს, ამისთვის საჭიროა: განსაზღვრული დრო, შესაფერი პირობები და ხშირად უბრალო შემთხვევაც.

ვისაც ჰსურს რიგიანად გაიგოს, თუ როგორ მრავლდება მცენარე, იმან ჯერ ყვავილის მოწყობილობა უნდა იცოდეს.

აი თქვენ წინ პატარა ყუნწი, რომლის ძირშიაც

ორი ფოთოლი ზის (იხ. სურ. 15), ხოლო ბოლოზედ ყვავილი აბია. ეს ყუნწი ყვავილის ფეხია. თვითონ ყვავილი რამდენისამე ცალკე ნაწილებისაგან შესდგება. ყველაზედ უფრო ღამაში იმათში ყვავილის „გვირგვინა“. ეს გვირგვინი შესდგება პატარა ფოთლებისაგან, რომლებსაც „ყვავილის ფოთლები“ დარქვენ. იმათი რიცხვი ოცამდის აღის და ხშირად მეტიც არის. ყვავილ-ფოთლების ფერი ხომ საარაკოა. რა ფერისა გინდათ, რომ იქ არ შეგხედეს! გაბრძნლით გაზატხულებდ მინდორში ან სათიბში და ნახათ, თუ რა სხვა-დასხვა ფერად გამოიქყიტებიან ყვავილ-ფოთლები. ზოგი მათგანი თოვლივით თეთრი და სპეტაკია, ზოგი სისხლივით წითელი, ზოგი—მტრედის-ფერი, როგორც ცის კამარა, ზო-



სურ. 15. ყვავილი.

გიც ზღვასავით ლურჯი და ვინ ჩამოსთვლის კიდევ რამდენი სხვა ფერისანი არიან. ტყუილად კი არ დაურქმევიათ იმათთვის „გვირგვინი“. გვირგვინს ქვევით იწყება ყვავილის „ბუდე“, რომელიც უმეტეს ნაწილად მწვანე ფერისაა და მოყვანილობით ჯამს, ან ბადიას მოგაგონებს.

ოცამდის აღის და ხშირად მეტიც არის. ყვავილ-ფოთლების ფერი ხომ საარაკოა. რა ფერისა გინდათ, რომ იქ არ შეგხედეს! გაბრძნლით გაზატხულებდ მინდორში ან სათიბში და ნახათ, თუ რა სხვა-დასხვა ფერად გამოიქყიტებიან ყვავილ-ფოთლები. ზოგი მათგანი თოვლივით თეთრი და სპეტაკია, ზოგი სისხლივით წითელი, ზოგი—მტრედის-ფერი, როგორც ცის კამარა, ზო-

ყვაილების „ბუდეში“ მოთავსებულია ორი მეტად სა-
ყურადღებო ნაწილები. ერთი მათგანი ბუდის შუაგულ-
ში ზის და ჰქვიან „სანაყოფე“. ასეთი სახელი იმიტომ
დაურქმევიათ, რომ შემდეგში იგი გადაიქცევა ნაყოფად.
ის ნაწილები-კი, რომელნიც სანაყოფეს გარს ეხვევიან,
„სამტვერები“ა. იმათი სახელიც იქიდგან წარმოსდგა,
რომ ისინი ყვაილის მტვერს ამზადებენ. უფრო ხშირად
ყვაილში სანაყოფე ერთია, ხოლო სამტვერე—მრავალი.
არ უნდა იფიქროთ, რომ ჩამოთვლილი ნაწილები უთუ-
ოდ ყველა ყვაილებში მოიპოვებოდნენ. სრულიადაც
არა! მაგალითად, შეხვდებით ისეთ ყვაილს, რომელ-
საც „ბუდე“ არა აქვს. აქვს მხოლოდ გვირგვინი,
სანაყოფე და სამტვერები. ისეთი ყვაილიც გამოერევა,
რომელსაც არც გვირგვინი და არც ბუდე არ გააჩნიათ.
ამისთანა ყვაილებს „ტიტვლებს“ ეძახიან. დასასრულ,
შეიძლება ყვაილს ყველაფერი ჰქონდეს, მაგრამ აკლდეს
ან „სანაყოფე“, ან „სამტვერე“.

იშვიათი შემთხვევაა, რომ ყვაილის ფეხზედ მარტო
ერთი ყვაილი იჯდეს (როგორც, მაგალითად, ყაყაჩო).
უფრო ხშირად ფეხს ტოტებიანია და ყვაილის გროვა
ან მტევანს ჩამოჰგავს, ან ცოცხს, ან თავთავს და ან ქოლ-
გის მოყვინილობა აქვს ხოლმე, როგორც ეკლის-ხეს (აკა-
ციას), იასამანს, თხილს, სტაფილოს და სხვ.


XV. II.

როგორც უწინაც ვთქვით, სამტვერე და სანაყოფე
ყვაილის უმთავრესს ნაწილებს შეადგენენ. თუ ყვაილს

ეს ორი ნაწილი აკლია, მაშინ ის ფუჭი და უნაყოფოა: ამგვარ ყვავილს თესლის მოცემა არ შეუძლიან. საჭიროა ჩვენც დაახლოვებით გავეცნოთ ყვავილის ამ უმთავრეს ნაწილებს.

აი თქვენ წინ სურათზედ (იხ. სურ. 16) გამოხატულია სამტვერე, სანაყოფე და მტერის ნამცეცები.

სამტვერე შესდგება გრძელი და წვრილი ფეხისაგან, რომლის ბოლოზედაც ორი პატარა პარკია მობმული. ეს პარკები ყვავილის




სურ. 16. ყვავილის ნაწილები: A) სამტვერე, B) სანაყოფე და C) მტერის ნამცეცები.

მტვერით არიან გატენილნი. ყვავილის მტვერი რომ განმადიდებელის შუშით გავსინჯოთ, შევამჩნევთ, რომ ის პატარ-პატარა მრგვალი ნამცეცებისაგან შესდგება (იხ. სურ. 16 C). ამ ნამცეცებს გარშემო ძლიერ თხელი ტყავი აკრავს, ხოლო შიგნით რაღაცა სითხე სდგას.

სულ სხვანაირი მოწყობილობა აქვს „სანაყოფეს“, რომელიც იქვე სურათზეა გამოხატული (იხ. სურ. 16 ს). იმისი მოყვანილობა გასაოცრად ჩამოჰგავს ბოთლს. პირი იმისი ცოტა სქელია და განიერი, როგორც ბოთლისა, შემდეგ სანაყოფე წვრილდება და ძირს ისევ განიერდება. ზედა ნაწილს სანაყოფესას ჰქვია პირი, შუანას — ყელი, ქვედას — კი თითონ სანაყოფე. სანაყოფეში ჩასახლ-

ლია თესლები. ექვს გარეშეა, რომ ამ ნაწილებს მცენარის ცხოვრებაში რაიმე დანიშნულება ექნებათ.

როდესაც სამტვერე მწიფდება, მტვერით სავსე პარკუჭები სქდებიან და ყვავილის მტვერი ჰაერში იფანტება. რამდენიმე ნამცეცი იპისი სანაყოფეს პირზედ ეცემა და რადგანაც ეს უკანასკნელი (პირი) სიმწიფის დროს წებოიანი სითხით არის დასველებული, ნამცეცებს იწებებს და არსად უშვებს.



რამდენიმე ხნის შემდეგ მტვერის ნამცეცი ზდას იწყებს, მაგრამ ზღვით-კი არა, ქვევით. იღებს გრძელსა და წვრილს ძირებს, სწორედ ისე, როგორც ნაჩვენებია სურათზე (სურ. 17). ეს ძირები გაივლიან სანაყოფის ყელში და თესლის ნასახებს უერთდებიან. შემდეგ ნამცეცებში მყოფი სითხე ჩასდევს ამ მილს და

სურ. 17. აღმოცენება მტვრის ნამცეცებისა და განაყოფიერება თესლისა. A) მტვრის ნამცეცებს გამოუღია მილი; B) სანაყოფე: a) ხუთი მტვრის ნამცეცი „პირზედ“. b) მათი მილები და c) სათესლე.

„თესლ-ნასახებს“ ასვენლებს. ამგვარად თესლი განაყოფიერდება.

თესლი განაყოფიერდება თუ არა, ყვავილი ქანობას იწყებს.

ჯერ ჩამოცვივიან „ყვავილ-ფოთლები“, შემდეგ გრძელ ფეხებზედ შემდგარი „სამტვერეები“. აგრეთვე მოსძვრება სანაყოფეს ორი ზედა ნაწილი, სახელ-

ღობრ „პირი“ და „ყელი“, დარჩება მხოლოდ იმისი ქვედა ნაწილი შიგ მომწყვდეული თესლ-ნასახებით. რამოდენიმე ხნის ზრდის შემდეგ სანაყოფე ნაყოფად გადაიქცევა, ხოლო თესლ-ნასახი—თესლად. მწიფე თესლი მიწაზედ ვარდება და გაზაფხულზედ ახალს მცენარეს აჩენს ქვეყნად. აი ამგვარად მრავლდება მცენარე ყვავილის დახმარებით.

XVIII.

რომ სანაყოფე ნაყოფად გადაიქცეს და თესლ-ნასახი თესლად, როგორც უწინ ვთქვით, საჭიროა ყვავილის განაყოფიერება. ეს განაყოფიერება-კი იმაში მდგომარეობს, რომ ყვავილის მტვერი სანაყოფეს პირს დაცვივა, დაიზრდება, გრძელ ძირებს გამოიღებს, თესლ-ნასახამდე წავა და თავისი სითხით ასველებს ამ უკანასკნელს. მხოლოდ ამ შემთხვევაში იწყებს ზრდას სანაყოფე და დამყოფდება თესლი. მაგრამ აი გასაოცარი რა არის.

ვთქვათ, თქვენ გაქვთ ორი ყაყაჩოს ყვავილი. თითოეულ მათგანს აქვს საკუთარი სანაყოფე და სამტვერეები, ასე რომ საკუთარი მტვერის საშუალებით შეუძლიან განაყოფიერდეს. მაგრამ შეიძლება შემთხვევით ერთი ყვავილის მტვერი გადავარდეს მეორე ყვავილის სანაყოფეზედ და გაანაყოფიეროს ის. როგორ გგონიათ აქვენ? წარმოიდგინეთ, რომ ეს უკანასკნელი განაყოფიერება მცენარისათვის უფრო ხელსაყრელი ყოფილა, ვიდრე პირველი, ე. ი. სხვისი მტვერით განაყოფიერება

სჯობნებია საკუთარით განაცოფიერებას. სხვისი მტვერით განაცოფიერებულმა ყვაილმა ნაყოფი უფრო მსხვილი გაიკეთა და თესლიც უფრო სალი, ჯანმრთელი. რა თქმა უნდა, სალი თესლიდან უკეთესი შთამომავლობა გაუჩნდება მცენარეს, ვიდრე სუსტიდან.

ანგვარ განაცოფიერებას ხელს უწყობს ქარი, ე. ი. ჰაერის მოძრაობა. ქარი დაჰქროლებს აუარებელს რიცხვს ყვაილის მტვერისას და შეხედავთ, რომ ზოგიერთი მათგანი დაეცემა იქ, სადაც საჭირო იყო, ე. ი. სანაყოფეზედ, მაგრამ უნდა გახსოვდეთ, რომ ეს შემთხვევით ხდება, თორემ ყველა მათგანი სანაყოფეზედ როდი ჯდება. ვის არ უნახავს, თუ რამდენი მტვერი ჩნდება იმ ადგილებში, სადაც ბევრი თხმელა, თხილი ან ნაძვი ყვავის ხოლმე? ხშირად ეს მტვერი ქარისაგან გატაცებული მწვანე ღრუბელივით დასკურავს ჰაერში და რა გასაკვირველი იქნება, რომ რამოდენიმე ნამცეცი სადმე სანაყოფეს დაეცეს? ეს ასეც ხდება ხოლმე.

ზოგიერთებს, როდესაც ყვაილის მტვერის ღრუბელს ჰხედავენ, ჰგონიათ გოგირდის წვიმა მოდისო.

XIX.

მართო ქარს არ უნდა უმაღლოდნენ მცენარეებში ერთი ყვაილიდან მეორეზედ მტვერის გადატან-გადმოტანას.

აი აქრელდა მინდორი ათასგვარი ყვაილებით. მათი საანური სუნი მოეფინა არე-ნარეს; მათი მშვენიერი

მორთულობა იზიდავს თავისკენ ურიცხვ ბუზ-პეპლებს. ფუტკარი გაფაციცებით დაბზუის ერთი ყვავილიდგან მეორეზედ. სწუწნის იქიდგან თაფლის წვეთებს და აგროვებს ბანჯგვლიანი ფეხებით ყვავილის მტვერს. სხვა-და-სხვა-გვარი პეპლებიც მოუსვენრად დაფრიალებენ ყვავილთა შორის, რომ დღე-მოკლე ცხოვრება სიტკბოებაში დალიონ. აქვე დაფრინავს მრავალი სხვა მწერიც საზრდოს საშოვნელად. ყველა მათგანი ცდილობს მშვიერი არ დარჩეს და ტკბილი წვენით პირი ჩაიტკბარუნოს. ახლა ერთი მითხარით, ვინ იფიქრებდა იმას, რომ ეს პაწაწკინტელა მწერები მცენარეებს ამგვარ სარგებლობას უშვებოდნენ. იმათ გადააქვთ ერთი ყვავილიდგან მეორეზედ მტვერი და ამ სახით ანაყოფიერებენ მათ. შეხედეთ, ჯუშა ფუტკარი როგორ გიჯივით ჩაძვრა ყვავილის გვირგვინში, დაიგრძელა თავისი ხორთუმი და ტკბილი წვენის წუწნას შეუდგა. შემდეგ ლაწათიანად ამოისვარა ყვავილის მტვერში, ზევით ამოძვრა და მეორე ყვავილისაკენ გაექანა. იქაც ტკბილი საქმელი მოეღის. აი ჩაძვრა ყვავილში და საქმეს შეუდგა, მაგრამ შეუმჩნევლად მტვერის რამოდენიმე ნამცეცი ფეხიდგან მოსცილდა და სანაყოფეს დაეცა. ყვავილი განაყოფიერდა, მაგრამ არა საკუთარის მტვერით, არამედ სხვაგვით მოტანილით. ამ შემთხვევაში ქარს არაფერი ღვაწლი არ მიუძღვის ყვავილის წინაშე. ამ განაყოფიერებას ის მარტო ფუტკარს უნდა უმადლოდეს. ასე იქცევიან სხვა მწერებიც.

ყოველივე ამის შემდეგ ჩვენთვის ცხადი ხდება, თუ რისთვის ირთვებიან ასე ლამაზად სხვა-და-სხვა ყვავილები, რისთვის ავრცელებენ ჰაერში ისეთ სასიამოვნო სუნს, რა-

ტომ ამზადებენ ისეთ ტკბილ წვენს, როგორიც თაფლია. ესენი ყვავილს სჭირია მწერ-პეპლების მოსატყუილებლად. მართლაც ყვავალები თითქო ერთმანეთს ეჯიბრებიან სილამაზეშიო. ზოგი თავისი სუნით იზიდავს მწერებს, ზოგი ტკბილი წვენით, ზოგი-კი მშვენიერი სამოსლით. არავის თქვენგანს არ უნახავს, უთუოდ, მწვანე ფერის ყვავილი, ისეთი მწვანე, როგორიც თვითონ მცენარის ფოთლებია. ასეთი ყვავილი კიდევ რომ იყოს სადმე, დიდხანს ვერ იბოგინებს ქვეყნად. მიზღვი ის იქნება, რომ მწერი იმას ვერ იპოვის, რადგანაც მწარე ფერის ყვავილი ბალახ-ფოთლებიდან ძნელი გამოსარჩევი იქნება. ამიტომ ყვავილი საკუთარის მტვერით უნდა განაყოფიერდეს, ხოლო ამგვარად განაყოფიერებული ყვავილის თესლები, როგორც წინადაც ვთქვით, სუსტ შთამომავლობას იძლევა, ვიდრე სხვისი მტვერით განაყოფიერებული. ამგვარად, რამოდენიმე თაობის შემდეგ, მცენარე სულაც მოისპობა.

აი სწორედ ამიტომ არის, რომ ყვავილები სხვა-და-სხვა მშვენიერ სამოსელს იცვამენ და სტუმართ-მოყვარე მასპინძელივით ეპატიჟებიან თავისკენ სხვა-და-სხვა ბუზ-პეპლებს.

XX.

ზოვიერთი მცენარეების ყვავილი იმნაირადაა მოწყობილი, რომ მწერს არ შეუძლიან ყვავილის „გვირგვინში“ ჩაძრომა ისე, თუ მტვერით არ გაითხუპნა.

ერთი ამგვართაგანი კირკაზონის ყვავილია. ის სწორედ მახესავით არის მოწყობილი და რომელიმე მწერი თუ შიგ მოემწყვდა, ისე აღარ გამოუშვებს, რომ მტვერით დატვირთოს და ძალა-უნებურად მეორე ყვავილი არ განაყოფიერებოს. ეს ყვავილი როგორც-კი გამოჩნდება, თუ ყვავილს სიგრძეზედ გავჭრით, იმის გვირგვინი ვრძელ მილს წარმოადგენს, რომელიც ზევით დაბრკავით განიერდება. ამ მილში უთუოდ შეაქნევთ პატარ-პატარა ბეწვებს, რომლებიც თავის ხათანგის მავთულებივით შიგნით იყურებიან. უნდა იცოდეთ, რომ ამ ყვავილის სანაყოფე უფრო ადრე მწიფდება, ასე რომ, რადესაც სანაყოფე მზადაა მტვერი მიიღოს და განაყოფიერდეს, მტვერი (საკუთარი) არსად არის, ხოლო რადესაც მტვერი დამწიფდება, სანაყოფე დაძველებულ-დამჭკნარი იქნება და განაყოფიერება აღარ შეეძლება. ცხადია, რომ ამგვარ ყვავილს საკუთარი მტვერით განაყოფიერება არ შეეძლება. აქ საჭიროა უცხო ძალა, გარეშეთა დახმარება. საჭიროა რომელიმე მწერმა იკისროს ეს შრომა და გადიტან-გადმოიტანოს ყვავილის მტვერა ერთიდან მეორეში. მწერები მართლაც უშვებიან ამ სიკეთეს კირკაზონის ყვავილს, მაგრამ განძრახ კი არა. ისინი თავისუფლად მიძვრებიან კირკაზონის ყვავილში, რადგანაც პატარა ბეწვები იქით-აქეთ იწევიან და გზას აძლევენ. პაწაწინა მსუნაგი თავისდა შეუშინევლად მახეში ემწყვდევა. შეხედეთ, გაათავა საქმედ და უკან გამობრუნდა, რომ სხვა ყვავილს ეწვიოს, მაგრამ აი ხათაბალა! ეს ბეწვები, რომლებიც წელან გზას სიამოვნებით უთმობდნენ, ეხლა წინ ელობებიან, აღარ უშვებენ. საბრალო ტუსალი! რა ჰქნა!.


ბევრს სცდილობს, მაგრამ არაფერი გაუდის. უნდა იჯდეს ყვავილის ციხეში. სანამ სამტვერე ბეწვები არ დამწიფდებიან და კარგად შიგ არ ამოითხუზნება. მხოლოდ მაშინ სჭკნებიან ეს ბეწვები და საბრალო ტუსადს საშუალება ეძლევა მტვერში ამოსვრილი წმინდა ჰაერზედ ამოფრინდეს. გაუმაძღრობა ჩქარა ავიწყებს ჩვენ თავისუფალ ნაცნობს იმ გაჭირვებას, რაც ტყვეობაში გამოიარა და ისევ მიძრობა კირკაზონის მეორე ყვავილში, სადაც ხშირად იგივე ტყვეობა მოელის. აქ მისი მოთმინება გაწყდა და ცოფიანივით დარბის ვიწრო სატუსალოში, თანაც ბანჯგვლიანი ტანით მოტანილი მტვერი სცვივა და რამოდენიმე სანაყოფესაც დაეცემა. ამგვარად ეს მეორედ დატყვევებული მწერი ანაყოფიერებს კირკაზონის ყვავილს და შეძლებას აძლევს ნაყოფი გამოიღოს.

XXI.

მქვენ უკვე იცით, რომ ნაყოფი გაზრდილი სანაყოფეა. უზარმაზარი გოგრა ანუ კვანძი, ლოყა-წითელი ვაშლი, გემრიელი მსხალი, ვეებერთელა საზამთრო, ტკბილი ყურძენი, ქლიავი, ატაში და ალუბალი, ახალი ნორჩი კიტრი, ლობიოს პარკი და სხვა მრავალი, გაზრდილ ყვავილის სანაყოფეს წარმოადგენს.

ნაყოფში მომწყვდელი თესლი მხოლოდ მაშინ მოგვცემს ახალ მცენარეს, როდესაც მიწას ქვეშ მოექცევა. ამისათვის ნაყოფი ან უნდა დალპეს, ან გასქდეს, რომ თესლები განთავისუფლდნენ. ვთქვათ, რომ რალაც ნაყოფი

რად თესლი მიწაში მოექცა. ახლა როგორ-ღა ამოვა იქი-
დგან? ავიღოთ მაგალითისათვის ლობიოს თესლი. რო-
დესაც გარეთა ტყავს შემოვაძრობთ, ვნახავთ, რომ შიგ
ვამოხვეული თეთრი სხეული ორი ნახევრისაგან შესდგე-
ბა. ამ ნაწილებს თესლთ-ბიბილო ანუ ნაყრი ჰქვიათ. რო-
ვორც სურათზედ მოსჩანს (იხ. სურ. 18), თესლთ-ბიბი-



ლოს შუა მომწყვდეულია რალაცა
კვანძი. ის არის მცენარის ნასახი.
გარეთა მრგვალი ნაწილი იმისი მი-
წაში მიდის და ძირად იქცევა, ხო-
ლო შიგნით მოქცეული ბრტყელი

სურ. 18. თესლ-ბიბილო.

ნაწილი ზევით ამოდის და ფოთლე-
ბით იმოსება. ამგვარად მცენარის თესლს სამი უმთავრე-
სი ნაწილი შეადგენს: ტყავი, თესლი, ბიბილო და ნა-
სახი. ყველა მათგანს საკუთარი დანიშნულება აქვს, სა-
ხელდობრ: ტყავი იფარავს თესლს ჰაერის ცუდი გავლე-
ნისაგან და მავნე მწერებისაგან. თესლთ-ბიბილო ანუ ნა-
ყრი შეადგენს საზრდოს ახალგაზდა მცენარისას, სანამ
ძირები და ფოთლები შრომას დაიწყებდნენ. ნასახი-კი
არის მომავალი მცენარე.

როგორც-კი თესლი ნოტიოსა და თბილ მიწაში მო-
ექცევა, იმწამსვე გაიბერება და გაღვივდება. შემდეგ ტყა-
ვი სქდება და პატარა ნორჩი ძირი მიწაში ეშვება. ნასა-
ხის ზედა ნაწილი მიწიდან ამოდის და ჯერ-ჯერობით ორ
ნორჩ ფოთოლს იღებს. შემდეგ-კი საქმე ჩვეულებრივად
მიდის. ახალგაზდა ძირი ტოტებს იღებს და პატარა ფო-
სოვებით იფარება, ხოლო ტანი იზრდება, მსხვილდება,
ფოთლებით იმოსება და ამგვარად მცენარე მზადაა. ჩქა-

რა ყვავილსაც იღებს; ყვავილები ნაყოფიერდებიან და ახალ თესლებს ამზადებენ; ხოლო აქ მეორდება იგივე ისტორია, რაც ახლა ვილაპარაკეთ. საჭიროა მხოლოდ ნოყიერი მიწა, ჰაერი, სინათლე, სითბო და სინოტიე, რომ თესლი გაღვივდეს, შიგ მძინარე ნასახმა გაიღვიძოს და ზრდა დაიწყოს. ამგვარად აჩენს მცენარე თავისს შთამომავლობას.

XXII.

ერთ პატარა მიწის ნაქერზედ ბევრ მცენარეს ცხოვრება გაუჭირდება, რადგანაც საკმაო საზრდოს, სითბოს და სინათლეს, მოკლებულნი იქნებიან. ამიტომ ზოგიერთა მცენარის თესლი ისეა მოწყობილი, რომ თავისი დედინ ღუან შორს მანძილზედ გადაფრენა შეუძლიან.

თესლების გადატანის საქმეში დიდი ღვაწლი მიუძღვის ქარს. ის თავისუფლად მიაფრენს ისეთ ფრთებიან თესლს, როგორც, მაგალითად, ნეკერჩხალს აქვს და შორს მანძილზედ გადააქვს იმ ხიდან, რომელმაც წარმოშობა. ნეკერჩხალის თესლზედ უფრო მოხერხებულია საფრენად „ბაბუ-წვერას“ წვრილი თესლები. სუსტი სულის შებერვაც საკმარისია, რომ ბაბუ-წვერას თესლები ჰაერში გაფრინდეს და აქეთ-იქით დაიწყონ ფორიალი; პატარა ნიაფი ხომ ქარიშხალი იქნება მისთვის და ვინ იცის, საით არ გადაიტანს, სად არ გადააფრენს.

სხვა მცენარეებო თითონვე ჰფანტავენ თავიანთ თესლებს გარშემო. ასე იქცევა, მაგალითად, ინა. მიდით ინასთან, როდესაც ის დაფარულია მწიფე ნაყოფებით და

კოტათი შეანძრიეთ ან ხელი გადაუსვით. ნაყოფები უეცრად დასქდებიან, დაიშლებიან, თითოეული გვერდი უცებ დაიგრიხება და ამ დროს შიგ მომწყვდეულ თესლებს შორს სტყორცნის. ამგვარად იქცევა ბევრი სხვა მცენარეც.

ამგვარ „მსროლელ“ მცენარეთა შორის ურევია ორი მეტად საყურადღებო. პირველს ეძახიან „ქვიშის მცენარეს“ და იზრდება ინდოეთის ტყეებში. მეორეს-კი „კოფიანი კიტრი“ ჰქვია. დამწიფდება თუ არა ქვიშის მცენარის ნაყოფი, ტყეში ერთი აურ-ზაური ატყდება. ყოველის მხრიდან განუწყვეტელი თოფ-დამბაჩის ხმა ისმის; იფიქრებთ ტყეში სწორედ ომიოა. მაგრამ როგორ გაოცდება უცხო მნახველი, როდესაც ნახავს, რომ ეს ხმაურობა ქვიშის მცენარის ოინი ყოფილა. თურმე ეს ხმაურობა იმას გამოუწვევია, რომ მწიფე ნაყოფი სქდება და თესლს შორს სტყორცნის. ნასროლი თესლი ისე ღონივრად-კი მიდის, რომ თუ შემთხვევით მოგხვდა ვინმეს, ხეირს არ დაგაყრის, ხშირად მძიმედაც დააშავებს.

კოფიანი კიტრი-კი ამდენად საშიშარი არაა. სიკვდილით ის ვერავის მოკლავს, მაგრამ უსიამოვნებას-კი დიდს მიაყენებს. კოფიანი კიტრის ნაყოფი მართლა ჩამოჰგავს ნამდვილ კიტს და პატარა ლინლლით არის შემოხილი. როდესაც ნაყოფი მწიფდება, იმისი ხორცი წებოიან სითხედ იქცევა, რომელშიაც თესლები დასკურავენ. ამ დროს (ე. ი. როცა მწიფეა) ნაყოფს ყუნწი სძვრება და იმ ადგილას, სადაც ის იყო მიმაგრებული, პატარა მილი რჩება, ჭუჭრუტანა კეთდება. აი ამ ჭუჭრუტანადგან მართლა კოფიანივით გამოვარდება ხოლმე შიგ


მომწყვდეული სითხე და თესვებიც თან გამოაქვს. თუ შემთხვევით ამ დროს იმის პირდაპირ დარჩით, ადვილი



სურ. 19. ცოფიანი კიტრი.

საქმეა ერთი მაგარი ნაფურთხალი (იხ. სურ. 19) სახე-

ში მოგხვდეთ და ისე მაგრად, რომ კანი აგიწვას. ამგვარი პატივისცემა, მგონი, არავის არ ესამოვნება.



სურ. 20. „ხოზიკას“ თესლი ეკვრება ტანისამოსს.

შეიძლება ჩამოვთვალოთ არა ერთი და ორი ისეთი მცენარე, რომელთა თესლებიც პატარა კავეებით არიან

შეიარაღებულნი. ამ კაკუტების წყალობით ისინი ყველა გამვლელ-გამომვლელს ეკიდებიან: მაგალითად, ცხოველებს. ბალანზედ, ფრინველებს ფრთებზედ, ადამიანებს ტანი-სამოსზე, და ამ სახით ერთი ადგილინ მეორეზე გადადიან. მაგალითისათვის დავასახელებ: თუნდა ჩვენ ნაცნობ „ხო-ზიკას“, რომლის მოკალებაც ხშირად საქმეს გვიჭირებს. ხოლმე.

ფრინველებსაც გადააქვთ ხშირად მცენარის თესლი ერთი ადგილიდან მეორეზე და ამასთანავე ხშირად მოულოდნელ სარგებლობასაც უშვებიან მათ. ბევრი თესლი სქელ ნაჭუჭშია მომწყვდეული და სუსტი ნასახისათვის იქილგან თავის დაღწევა ადვილი საქმე არ არის. მინამის სქელი და მაგარი ნაჭუჭი არ დალპება, თესლი ზრდას-ვერ დაიწყებს, ხოლო იმის ღპობა დიდ დროს თხოულობს. აი აქ შველიან ფრინველები მცენარეს. ჩიტს ძლიერ უყვარს, მაგალითად, მწიფე ალუბლით კბილის ჩატკბარუნება, მაგრამ იმას როდი დაგიღვეს, კურკა არ გადამცდესო. ის ნაყოფს კურკიანად ყლაპავს და კუჭში ისტუმრებს. კუჭში ყოფნის დროს კურკას სქელი ტყავი უღპება და როდესაც ფრინველი კურკას გარეთვე გამოი-სვრის, ნასახს უადვილდება ნაჭუჭიდან თავის დაღწევა და მცენარეც მალე იზრდება.

აი ავგვარად ცდილობენ მცენარეები თავისი შთამომავლობა შორს გაჰფანტონ, რომ ყველას ცხოვრების საღსარი ჰქონდეს, ყველამ ლუკმა იშოვოს.

XXIII.

მოდრაობს თუ არა მცენარე?



ახირებული კითხვაა სწორედაო, — იფიქრებს მკითხველი, — მოძრაობს რა, ცხოველი ხომ არ არისო. მაგრამ ნურც ვგრე გაცდებით ამგვარი საკვირველება ბუნებაში ბევრი ხდება. მაშ ნურც ის გაგვაკვირვებს თუ მცენარესაც შეეძლოს მოძრაობა.

ყველა ჩვენგანს უნახავს, თუ როგორ ხერხიანად მიტრიალ-მოტრიალდებიან მცენარის ნაწილები, როდესაც მას საჭიროება მოითხოვს. მცენარეს ყველაზედ უფრო აქირია სინათლე და ამიტომ ის ნაწილები, რომლებიც სათვისიც სინათლე უფრო ძვირფასია, დიდის გულმოდგინებით იყურებიან იქით, საიდანაც სინათლე მოდის. ოთახში დადგმული მცენარის ფოთლები მზიან დღეში თანჯრებისაკენ მიტრიალდებიან ხოლმე. აგრეთვე ყველას გაუგონია მცენარე „მზეს-უმზირა“, რომელიც დიდიდან საღამომდე თვალს არ აშორებს ცის მნათობს და საითაც ეს უკანასკნელი წავა, ისიც იქით მიტრიალდება.

ისეთი მცენარეების რიცხვიც ბევრია, რომლებიც საღამოთი ფოთლებს ჰხურავენ და ან ძირს დაუშვებენ, თითქო დასაძინებლად ემზადებიანო, დილას-კი ისევ ყურებს სცქვეტენ და ზეცისკენ გაიყურებიან ხოლმე. ამგვარია იონჯა, მძინარა და სხვა მრავალი. ხშირად სხვადა-სხვა მცენარეების ყვავილებიც იხურებიან მზის ჩასვლისას და დილას ისევ იშლებიან (მაგალითად „ბაბუწვერა“).

იქნებ თქვენ გინახავთ კოწახურის (კვაწაროზი) ყვავილი. ის პატარა ყვითელი ფერის ვარდს ჩამოჰგავს. ყვავილის შუაგულში ზის სანაყოფე, მის გარშემო-კი ექვსი სამტვერე. როგორც სურათზედ მოსჩანს, სამტვერე გან-

ზეა წაქცეული, ყვავილის გვირგვინისკენ, რომელსაც ექვსი „ყვავილ-ფოთოლი“ შეადგენს. ხელში რომ ნემსი ავიღოთ (იხ. სურ. 21) და იმისი წვერი სამტვერეს ძირს




სურ. 21. კაწახურის ყვავილი.

წავაკაროთ, ის (სამტვერე) მაშინვე წამოხტება და მსხვილ თავს სანაყოფეს გაართყვამს. ამ დროს რამოდენიმე მტვერის ნამცეცი სანაყოფეს პირზე ეცემა და ყვავილი ნაყო-

ფიერდება. ამ ყვავილის მაგალითი გვიჩვენებს, რომ ზოგიერთი მცენარისათვის საკუთარი მტვერით განაყოფიერება უმჯობესი ყოფილა. როდესაც მწერი კოწარუხის ყვავილს დააჯდება და თავისი ხორთუმით წვეწვანს დაიწყებს, არ შეიძლება რომელიმე სამტვერეს ძირი არ შეანძრიოს, ხოლო ეს შენძრევა საკმარისია სამტვერე წამოხტეს და სანაყოფეს თავისი მტვერით სავსე პარკუჭები თავში გაართყას და განაყოფიეროს.

ყოველივე ეს მართლაც რომ საკვირველია, მაგრამ უფრო გასაოცარი მორცხვი „მიმოზას“ საქმეა. აბა დააკვირდით ამ სურათს (სურ. 22). აქ გამოხატული მიმო-



სურ. 22. მიმოზას ფოთლები.

ზას ტოტის ნაჭერია ერთი ფურცლით. მარცხნივ სურათზე ფოთოლი გაშლილია და ყუნწიც პირდაპირ სდგას. ასეა ფოთლები მცენარეზედ, როცა მას არავინ აწუხებს, მაგრამ მიბრძანდით და შეანძრით ან ტოტი, ან თვითონ მტენარე. მაშინვე პატარა ფოთლები დაიკეცებიან და

ყუნწიც ძირს ჩამოეშვება. ამგვარი ფოთოლი გამოხატულია იმავ სურათზედ მარჯვნივ (იხ. სურ. 22). ცოტახნის შემდეგ ფოთოლი ისევ გაიშლება და ყუნწიც გასწორდება ხოლმე.


რა დავარქვათ მცენარეთა ამგვარ საქციელს, თუ არ მოძრაობა?

XXIV.

ოქნება გაგიგონიათ რამე „მტაცებელი“ მცენარეების შესახებ? დიად, რა გაგიკვირდათ? სწორედ მტაცებელის, ე. ი. ისეთი მცენარის შესახებ, რომელიც იჭერს სხვა-და-სხვა მწერებს და იმათი ხორცით პირს იგემრიელებს.

ასეთი მცენარეები მართლა არიან ქვეყანაზედ და ერთ მათგანს „ბუზიჭერია“ ჰქვიათ სახელად. ის ჩრდილოეთ ამერიკაში ჰხარობს. ამ სახელით იმიტომ მონათლეს ეს ბალახი, რომ გასაოცარის ეშმაკობით იჭერს ბუზებსა და სხვა-და-სხვა მწერებს. მიწის პირად ეს მცენარე იღებს რამოდენივე ბრტყელ ფოთოლს. თითოეული ფოთოლი ორი ნახევრისაგან შესდგება. კიდევში ორივე ნახევრისა კბილებიანია, როგორც ხერხი. შუაზედ-კი აქა-იქ პატარა ბეწვები სხედან. დასკუბდება თუ არა რომელიმე მწერი ფოთოლზედ და ამპარტავენულად გრძელ ულვაშებს შეისწორ-შამოისწორებს, გაუფრთხილებლობით ერთ რომელიმე ბეწვსაც გაეკვრება. ეს მცირე შენძრევაც საკმარისია, რომ ფოთოლი უცებ დაიხუროს და მწერი შიგ მიიმწყვდიოს. საბრალო ტყვე ზრ ზოგავს ჯან-ლონეს, რომ როგორმე თავი გაინთავისუფლოს, მა-

გრამ ტყუილად, სიკვდილი აუცილებელია. რაც უფრო მეტს ინძრევა ის, იმდენად მაგრა იკეცება ფოთოლი, იმდენად უფრო მაგრა ესობა კბილები.




სურ. 23. ბუზიჭერია: 1) თვით მცენარე, 2) ცალკე ფოთოლი.

ბუზის დაჭერისათანავე (იხ. სურ. 23) ბეწვებიდან გამოდის რაღაც წებოიანი სითხე, რომელიც გარს ეხვე-

ვა საბრალო მსხვერპლს და განძრევას უშლის. გაივლის რამოდენიმე მწარე, დამტანჯველი წუთები და ფოთოლო ისევ გაიშლება. მაგრამ რა? საბრალო მწერისაგან მარტო მაგარი ნაწილები დარჩენილა, ფოთოლზედ მარტო ჩონჩხი-ლა მოსჩანს, დანარჩენი-კი სადღაც გაჰქრა. მაგრამ სად დაიკარგა ის რბილი ნაწილები? რა იქნა მწერის ხორცი? ფოთოლმა გააღწია და ჩაჰყლაპა ყველა რბილი ნაწილი ბუზისა.

აი ამგვარად მუშაობენ ბუზიჭერიას ფოთლები მთელ თავის სიცოცხლეში. არ არჩევენ არც ხსნილს, არც მარხვას და თუ რაიმე ხორცეული ხელში ჩაიგდეს, ღაზათიანად მიაძლებიან. რა თქმა უნდა, რომ ხორცეულთან ერთად ძირებიც უგზავნიან სამარხვო საქმელს. ბუზიჭერიას ფოთოლს რომ რბილი ხორცის ან მოხარშული კვერცხის ნაჭერი დაეადვათ, ფოთოლი სწრაფად დაიხურება და რამოდენიმე ხნის შემდეგ ისევ გაიშლება, მაგრამ ნასუფრალს ბევრიც რომ ვეძებოთ, ვერ ვნახავთ.

მეორე მტაცებელი მცენარის მართულობა უფრო საყურადღებოა. სახელად ამ მცენარეს



სურ. 24. ნებენტესი: ა) ბალია, ბ) თავსახური.

„ნებენტესი“ ჰქვიათ. ნებენტესის ფურცელი ჯერ განიერია (იხ. სურ. 24), შემდეგ წიბილდება და დაგრე-

ხილ ბაწარს მოგაგონებს. ბოლოზედ ფოთოლს პატარა ბაღია აბია, თავისივე თავსახურით. სურათზედ თავსახური ახლილია. ამგვარ ბაღიებში თითქმის ყოველთვის მოიპოვება ერთი-ორი დამღრჩვალნი მწერი. ადვილი მისახვედრია, თუ რამ ჩამოიყვანა ეს საცოდავები აქ და რას უპირებს იმას მცენარე. ისინი მოფრინდნენ აქ საქმლის საშოვრად და რას მოელოდნენ, თუ თითონ გახდებოდნენ სხვის ლუკმად? ისინი ჰფიქრობდნენ, ეს არის ყვავილს მივაგენით, შეგვიძლიან ნერწყვი გავისველოთო და მახეში თამამად ჩაძვრნენ; მაგრამ დახეთ უბედურებას! უცებ სახურაჲ დაეხურა და საბრალონი სამუდამოდ მოსწყდნენ მზის სინათლეს. გავიღმ ხანი და სახურავი ისევ აიხადა, მაგრამ ტყვეები უსულონი ჰყრიან. შემდეგ ბუზიჭყერის ფოთოლსავით ესეც აღნობს და შიგნით იწოვს რბილ ნაწილებს და თუ რაიმე გადაარჩათ, ის უთუოდ მაგარი და გამოუსადეგარი იქნება.

ამ ორი მცენარის ხელობას კიდევ მრავალი მიმდევარი ჰყავს და ნათლად გვიმტკიცებენ, რომ მოძრაობა მცენარეებსაც შესძლებიათ.

XXV.

ამგვარად ჩვენ შევიტყვეთ ყოველივე უმთავრესი მოვლენა მცენარის ცხოვრებაში და ეხლა ვცადოთ მოკლედ ნასწავლის განმეორება.

მიწაში ჩაყარდნილი თესლი ღვივდება, იზრდება და ახალ მცენარეს აჩენს, მცენარე იკეთებს მიწაში ძირებს, რომლებზედაც უხვად არის პაწაწინა ფოსოები. ეს ფოსო-

ები სწოვენ მიწიდან წყალს, რომელშიაც გამდნარი სხვა-და-სხვა მცენარის საზრდო. ეს წვენი გაივლის ხეშ და აღის ფოთლებში, სადაც გადაკეთდება, გადამუშავდება და ხხვა გზით, ე. ი. ტყავს ქვეშ, ბრუნდება ფოთლებიდან ძირს. იმავე დროს ფოთლების საშუალებით მცენარე სუნთქავს და აორთქლებს მეტ წყალს.

წელიწადში ერთხელ ყველა მწვანე მცენარე ყვავილით იმოსება (ხავს, გვიმბრას და სხვ. გარდა ყვავილი ნაყოფიერდება და თესლად იქცევა. ეს განაყოფიერება რომ მოხდეს, საჭიროა ყვავილის მტვერად სანაყოფეს დაეცეს. საზოგადოდ, მცენარეებისათვის სხვისი მტვერით განაყოფიერება უკეთესი ყოფილა, ვიდრე საკუთარით. თესლიდან ისევ ჩნდება ახალი მცენარე და ასე ამგვარად როგორც ვხედავთ, თესლიდან იწყება მცენარის ცხოვრება და თესლითვე თავდება. ძლიერ მარტივია მწვანე სამეფოს ცხოვრება, მაგრამ ამის მიუხედავად, რა დიდი სარგებლობა აქვს იმისაგან ცხოველებს და ადამიანს! მცენარე შოულობს საზრდოს მიწიდან, ჰაერიდან, წყლიდან და აკეთებს მას თავისს ფოთლებში. ყოველივე ის, რაც-კი ცხოველების საზრდოს შეადგენს, მცენარეთაგან დამზადებულია. ჩვენ, ადამიანები, ვიკვებებით ჰაერით, წყლითა და მიწით, მაგრამ საქმე იმაშია, რომ ჰაერი, წყალი და მიწა ჯერ მცენარემ გადაამუშავა, გადაასხვატყუა და დამზადებული მასალა ჩვენც გამოვიყენეთ.

დახასბულს